





## শ୍ରীচৈতন্য ।



কলিপাবন, পতিত-তাবণ, যুগাবতাব,  
নবদ্বীপ-চন্দ্র শ্রীচৈতন্যদেবেব  
পূতলীলা-গ্রন্থ ।  
নদীয়া-কাহিনী হইতে পুনর্মুদ্রিত ]



নদীয়া-কাহিনী, সতীদাহ, শ্রীগোবিন্দ  
প্রভৃতির লেখক  
শ্রীকুমুদনাথ মল্লিক  
প্রণীত ।

( দ্বিতীয় সংস্করণ )

প্রকাশক

শ্রীআশুতোষ ধব ।

আশুতোষ লাইব্রেরী ৫০:১ কলেজস্ট্রীট  
কলিকাতা ।

১৩২৪ ।

মূল্য ॥০ আট আনা ।

## চিত্রাবলী ।

- ১ । সন্ন্যাসের উত্থোগ ।
- ২ । বাল্য চাপল্য ।
- ৩ । জগাই মাধাই ।
- ৪ । ভাবাবিস্ট্রীচৈতন্যদেব ।
- ৫ । ভাগবত শ্রবণ ।
- ৬ । দাক্ষিণাত্য পথে । -
- ৭ । পাঠান উদ্ধার ।
- ৮ । সমুদ্র তটে ।

# ଶ୍ରୀଚୈତନ୍ୟ ।

ପ୍ରଥମ ମୁଦ୍ରାକନ ୧୭୨୦ ।

ଦ୍ୱିତୀୟ ମୁଦ୍ରାକନ ୧୭୨୫ ।

কুমুদ বাবুব অগ্ৰাণ্য পুস্তক	
নদীয়া-কাহিনী	২৥০
শ্রীগৌরান্ধ	৥০
সতীদাহ	১\
চাঁদমুখ	১০
হজবত মোহাম্মদ	১০
মহাবাজা বৃষ্ণচন্দ্র (যজ্ঞস্থ)	

ঢাকা

“আশুতোষ প্রেসে”

শ্রীরেবতীমোহন দাস দ্বারা মুদ্রিত।





ତେବେ ସହାସ୍ରାନ୍ତ ମହାଜାତେବ ଶାନ୍ତ,  
 ଯେଉଁ ଶାନ୍ତିର ଶାନ୍ତିରାଜ୍ୟର ଶାନ୍ତିରାଜ୍ୟ

ନାମିତ ଆମି ବା ଯାଏ ସଂସାର,  
 କଳାକାର ଶାନ୍ତିରାଜ୍ୟର ଶାନ୍ତିରାଜ୍ୟ

ସ୍ବପ୍ନ ଦିଶେ ନାମିତ ମୋ ଶାନ୍ତିରାଜ୍ୟ,  
 ଯାହା ଶାନ୍ତିରାଜ୍ୟର ଶାନ୍ତିରାଜ୍ୟ

# শ্রীচৈতন্য



শ্রীশ্রীহবিপ্রেম লোক-শিক্ষার্থ পৃথিবীতে  
একবার পূর্ণগুণ্ডি পবিগ্রহ করিয়া অবতর্ন  
হইয়াছিলেন। উহা চৌদ্দশত সাত শকের শুভ  
ফাল্গুনী পূর্ণিমায পূতসলিলা ভাগিরথী-তীবস্থ  
নবদ্বীপ নগরে। এই নবদ্বীপ নগরী বর্তমান  
কলিকাতা মহানগরী হইতে প্রায় সত্তর মাইল  
উত্তরে অবস্থিত, কিন্তু এখন মৌর্য জাহ্নবী-  
স্রোত উহাৰ পূর্বদিক দিয়া প্রবাহিত, তখন  
তাহা ছিল না, তখন নবদ্বীপ নগরী গঙ্গাৰ  
পূর্বতটে স্থবস্থিত ছিল এবং সমগ্র সভ্যজগতে  
উহা তখন বিখ্যলোচনা ও শাস্ত্রচর্চাৰ কেন্দ্রস্থল



## শ্রীচৈতন্য

বলিয়া সমাদৃত ছিল। দেশদেশান্তর হইতে অসংখ্য ভক্ত ও ছাত্র আসিয়া ইহাকে এক মহাতীর্থে পবিত্র করিয়াছিল। এই মহাতীর্থে জ্ঞান, ভক্তি ও বৈবাগ্যেব পূর্ণ পরিণতি শ্রীশ্রীচৈতন্য দেব অবতীর্ণ হইয়া আপনার প্রেমময়-লোকপাবনী লীলা প্রকাশ পূর্বক প্রেমামৃত বিতরণে পৃথিবীর পাপ-তাপ অপহরণ করেন।

যে সময়ে শ্রীশ্রীচৈতন্যদেব জন্ম পরিগ্রহ করিয়াছিলেন, সে সময়ে নবদ্বীপ তথা সমগ্র বঙ্গদেশ নীবস, ভক্তিহীন শাস্ত্রচূর্ণায় বিভোর। তন্ত্বের নামে, ধর্ম্মের নামে, দেশ যথেষ্টাচার, ব্যাভিচার ও স্ত্রাস্রোতে ভাসমান। সোমরস পান, অকারণ পশুহনন, দেব-দ্বিজে অভক্তি তখন সংক্রামকরূপে বঙ্গদেশ গ্রাস করিতে বসিয়াছিল। আবার তখন দেশাধিপতি মুসলমানগণেব নির্দাক্ষ অত্যাচারে হিন্দুর ধর্ম্ম ও

হিন্দুর সামাজিক অবস্থাও অতি শোচনীয় ভাব ধারণ করিয়াছিল। তাই এই কালে যবনের অত্যাচায উপেক্ষা করিয়া, গ্রামাধ্যাপকের কূট তর্ক-জাল ছিন্ন ভিন্ন কবিয়া, জ্ঞান-চর্চার পরম ফল-স্বরূপ, ধর্ম সংস্থাপনার্থ এবং সংসারকে “জীবে দয়া ও নামে কচি” শিক্ষা দিতে নবদ্বীপ-চন্দ্র শ্রীশ্রীশচীদুলাল শ্রীচৈতন্যদেব আবির্ভূত হইয়াছিলেন।

শ্রীচৈতন্য ভাগ্যবান পিতার নাম শ্রীজগন্নাথ মিশ্র। পূবন্দর তাঁহার আর এক উপাধি ছিল। তাঁহার আদি নিবাস শ্রীহট্টে। তাঁহার বৈদিক শ্রেণীর ব্রাহ্মণ ছিলেন। তিনি অধ্যয়নার্থ বাণীর প্রিয় নিকেতন নবদ্বীপে আগমন করেন এবং পাঠ সমাপনান্তে নবদ্বীপবাসী ব্রীলাস্বর চক্রবর্তীর সর্ব-স্বলক্ষণা কন্যা “শান্তমূর্ত্তি” শচী-দেবীর পাণিগ্রহণ করিয়া নবদ্বীপেই যে পল্লভে

## শ্রীচৈতন্য

শ্রীহট্টিয়াগণ বাস কবিতেন, সেই পল্লীতে বসতি  
স্থাপন কবেন ।

শচীর গর্ভে জগন্নাথের পরঃপব আটটী কন্যা।  
জন্ম গ্রহণ কবেন । কিন্তু সকলেই অল্প বয়সে  
গতাসু হযেন । শিশু কন্যাগণের শোকে যখন  
ব্রাহ্মণদম্পতি ত্রিযমাণ, তখন তাঁহাদের একটা  
পুত্র সন্তান জন্মগ্রহণ কবেন । পিতা আদব  
কবিয়া এই রূপবান পুত্রের “বিশ্বরূপ” নাম-  
করণ কবেন । বয়োবৃদ্ধি সহকাৰে এই পুত্র  
সর্ব শাস্ত্রাদিতে উত্তমরূপে ব্যুৎপন্ন হযেন ।  
বিশ্বরূপের ষোড়শবর্ষ বয়ঃক্রম কালে শ্রীনিমাই  
জন্ম পবিগ্রহ কবেন ।

যে শুভ নিশিতে শ্রীচৈতন্যদেব জন্ম পরিগ্রহ  
কবেন, সেটা স্থানির্মল ফাল্গুনী পূর্ণিমা এবং যে  
মুহূর্তে তিনি ভূমিষ্ঠ হযেন, তখন চন্দ্রগ্রহণ হইয়া-  
ছিল, স্মরণ্য সমগ্র হিন্দুস্থান তখন চিবপ্রচলিত

## শ্রীচৈতন্য

১৫৬

প্রথামুখ্যায়ী দান-ধ্যানাদি সংকল্পে বত এবং মঙ্গল-  
সূচক হলুধ্বনি ও হবিধ্বনিতে তখন সমস্ত নদীয়া  
মুখবিত । এইরূপ অনন্ত-কণ্ঠ-নিঃসৃত হরিধ্বনির  
মধ্যে “সিংহবাশি, সিংহলগ্ন, উচ্চগ্রহগণে, ষড়বর্গ,  
অষ্টবর্গ, সর্ব শতভঞ্জে”, জগন্নাথ মিশ্রের নবদ্বীপস্থ  
ভবনে, নিম্নমূলস্থ স্মৃতিকাগৃহে শ্রীগোবিন্দ ভূমিষ্ঠ  
হয়েন । স্মৃতিকাগাবে ডাকিনী, পিশাচ ও উপদেব-  
তাব বুদ্ধি হইতে বক্ষা কবিত্তে মেয়েবা তাঁহার  
“নিমাই” নাম বাখেন ! পববর্তী জীবনে অসংখ্য  
ভক্ত কর্তৃক তিনি সহস্র নামে আখ্যাত হইলেও,  
স্মৃতিকাগৃহেব এই আদবেব নাম তাঁহার প্রিয়জনে  
এক দিনও ভুলে নাই । জগন্নাথ অন্নপ্রাশন কালে  
পুত্রের নাম বাখিলেন “বিশ্বস্তব”, উপনয়ন কালে  
তাঁহার আব একটি নাম হইল “গোবহবি” । তত্ত  
গণ তাঁহার “শ্রীগোবিন্দ” নাম বাখিয়াছিলেন এবং  
তাঁহার সর্বশেষ নাম হইয়াছিল “শ্রীকৃষ্ণচৈতন্য” ।

## ঐতিহ্য

শচীদুলাল পিতৃগৃহে গুরুপক্ষীয় শশীকলাব  
ন্যায় দিন দিন বৃদ্ধি পাইতে লাগিলেন। এই  
অলৌকিক সুবর্ণলাঙ্ঘিত স্ব-উজ্জ্বলবর্ণশালী, সূঠাম-  
গঠন ও মনোহর ভঙ্গিমাশালী সর্বদাঙ্গসুন্দর  
অপ্রাকৃত শিশুটী ঠিক অন্যান্য শিশুর ন্যায় ছিল  
না ; শিশু ক্রন্দন কবিত্তেছে, কিছুতেই প্রবোধ  
মানিতেছে না, সহস্র যত্ন বিফল হইয়া যাইতেছে,  
তখন একবার হরিধ্বনি কর, শিশু অমনি উৎকর্ণ  
হইয়া শুনিবে, মাঘের ক্রোড়ে স্থির হইয়া বহিবে।  
এইরূপে শিশু নিমাই বাড়িতে লাগিলেন।

তাহার বয়োবৃদ্ধির সহিত শৈশবেব দুবল-  
পনাও ক্রমে বৃদ্ধি পাইতে লাগিল। ক্রমে প্রভু  
পঞ্চম বৎসরে পদার্পণ করিলে, জগন্নাথ পুত্রকে  
পাঠশালায় দিলেন। যে একাগ্রতায় শচীদুলাল  
শৈশবে চাপল্যক্রীড়া কথিয়াছেন, সেই একাগ্রতায়  
এখন তিনি পাঠে মনোনিবেশ করিলেন। এই

## বাল্য চাপলা



‘উচ্ছ্রিষ্টব গর্ভে তাক্র হাণ্ডীব উপব  
দাডায়ে আছেন স্মখে প্রভৃ বিশ্বস্তব,  
শচী কহে কেন তুমি অন্তর্চী ছুঁইলা  
“স্বান্নান কব যাই অপবিত্র হইলা ।

শ্রীচৈতন্য চকিতামৃত’



## শ্রী চৈতন্য

সময় জগন্নাথের সংসারে এক মহাত্মদেব উপস্থিত হইল। তাঁহার জ্যেষ্ঠপুত্র বিশ্বকপ এখন যৌবনসীমায় পদার্পণ করিয়াছেন। শান্তিপুর্ন-নিবাসী ভাগবতাচার্য্য শ্রীঅদ্বৈত-সকাশে সর্ববিদ্যা-বিশারদ হইয়া ও ভাগবতাদি ধর্ম্মশাস্ত্রে ব্যুৎপন্ন হইয়া, সংসারের অনিত্যতা তাঁহার হৃদয়ে বদ্ধমূল হওয়ায়, যখন তাঁহার জনকজননী তাঁহার বিবাহেব উদ্যোগে ব্যস্ত হইলেন, তখন সংসারবিরাগী বিশ্বকপ এক দিন গভীর নিশায় গৃহত্যাগ করতঃ সন্ন্যাস গ্রহণ করিলেন। বৃদ্ধ পিতা মাতা উপযুক্ত পুত্র বিরহে বিহ্বল হইলেন ও অনুক্ষণ তাঁহার নাম ধরিয়া রোদন করিতে লাগিলেন।

কালে তাঁহাবা দুর্লভ পুত্ররত্ন বিশ্বস্তরের মুখচন্দ্র অবলোকনে বিশ্বকপেব শোক ভুলিতে চেষ্টা করিলেন। এই সময় হইতেই শ্রীনিমাইয়ের দৌরাভ্য ও চাপল্য একেবারে অস্তিত্ব হইল এবং



## ত্ৰীচৈতন্য

তিনি ধীৰ ও শান্ত ভাবে পিতামাতাব সেবাশুশ্ৰূ  
ষায় ও পাঠে মনোনিবেশ কৰিলেন । তাঁহাবাও  
ক্ৰমে নিমাইয়েৰ গুণে মুগ্ধ হইয়া বিশ্বকপেৰ বিবহ-  
ব্যথা একেবাবেই ভুলিয়া গেলেন । বৃদ্ধ মিশ্র  
এইকালে পুত্ৰেৰ এইৰূপ অনন্যসাধারণ জ্ঞান-  
স্পৃহা দেখিয়া সাহ্লাদে তাঁহাকে গঙ্গাদাস  
পণ্ডিতেৰ টোলে ব্যাকৰণ পড়িতে দিলেন । শীঘ্ৰই  
অলৌকিক মেধা-বলে ও অসাধারণ অধ্যবসায়-  
গুণে তিনি গঙ্গাদাসেৰ টোলেৰ সৰ্ব্বপ্ৰধান ছাত্ৰ  
হইয়া উঠিলেন । এই সময় তাঁহাব বয়স মাত্ৰ  
নয় বৎসৰ , স্ততবাং জগন্নাথ তাঁহাব উপনয়ন  
দিবাৰ আয়োজন কৰিলেন । এই উপনীত কালে  
মণ্ডিতকেশ বক্ত-বস্ত্ৰ-পৰিহিত নবীন ব্ৰহ্মচাৰীকে  
যখন পিতা শাস্ত্ৰসম্মত ক্ৰিষাদিৰ পৰ কৰ্ণে মন্ত্ৰ  
দিলেন, তখন শিল্প নিমাই আবিষ্কৃত হইয়া হৃদ্ধাব ও  
গৰ্জ্জন কৰিতে লাগিলেন, এবং অবিলম্বে মুৰ্চ্ছিত

## শ্রী চৈতন্য

হইবা ধবায় পতিত হইলেন । সকলে দেখিলেন, তখন সেই দেব-শরীর হইতে অলৌকিক তেজ বাহির হইতেছে ও অশ্রু, পুলক, বৈবর্ণাদি অষ্ট নাদ্বিক ভাব পুনঃ পুনঃ দেহে সঞ্চারিত হইতেছে এবং অবিবল ধাবায় নয়ন হইতে আনন্দাশ্রু বহিয়া পৃথিবী সিক্ত হইতেছে । উপস্থিত পণ্ডিত-মাণ্ডলী নিম্নায়ে এই আবেশ ভাব দেখিয়া স্তম্ভিত হইলেন এবং তাঁহাব দেহে যে গোপাল বিবাজ্জ্বলিতেছেন, ইহাই সকলের ধারণা হইল । তাই তাঁহাবা স্বেচ্ছায় হইতে নিম্নায়ে “গৌরহরি” নামকরণ করিলেন ।

নিমাইয়ের একাদশ বর্ষ-বয়সক্রম কালে ভাগ্যবান মিশ্র জগন্নাথ ইহ ধাম ত্যাগ করিলেন । পিতৃবিয়োগে বালক নিমাই মহাদুঃখে নিপতিত হইলেন, কিন্তু দুঃখে পড়িয়াও তাঁহাব লিঙ্ঘানুবাগ কিছুমাত্র হ্রাস হয় নাই, বরং এই সময় হইতে

## শ্রীচৈতন্য

তিনি আবও নিবিষ্টচিত্তে পাঠাভ্যাস করিতে লাগিলেন। এই অল্প বয়সে ঘবে বসিয়া নিমাই একখানি ব্যাকরণের টিপ্পনী লিখিয়াছিলেন। উহা সেই তদানীন্তন নবদ্বীপেব শ্রীয বিদ্বজ্জন-সমাজে এবং পূর্ববঙ্গেব সর্বত্র বিশিষ্টরূপে আদৃত হইয়াছিল। ব্যাকরণ পাঠ সমাপনান্তে শ্রীযশাস্ত্র অধ্যয়নেব নিমিত্ত তিনি বাসুদেব সার্বভৌমের টোলে প্রবেশ করিলেন। সার্বভৌমের চতু-  
প্পাঠী তখন নদীয়ার মধ্যে সর্বপ্রধান, শত শত বিদ্বার্থী তাঁহার টোলে অধ্যয়ন কবিতেন। এই সকল ছাত্রগণেব মধ্যে দীক্ষিতির গ্রন্থকাল মিথিলার গর্ববর্ধকরকারী রঘুনাথ তখন সর্বপ্রধান। কিন্তু এই বালক নিমাইয়েব সর্বতোমুখী প্রতিভায় তিনিও শীঘ্র মলিন হইয়া পড়িলেন।

এই সময়ে চতুর্দিক হইতে এই রূপবান সুপণ্ডিত সুপাত্রের উপর কুমারী কন্তাগণের

## শ্রীচৈতন্য

১২২

পিতামাত্রেবই দৃষ্টি পড়িল। শচী দেবীও পুত্রকে  
বিবাহ বন্ধনে বদ্ধ কবিত্তে ব্যস্ত হইলেন এবং  
অনতিবিলম্বে নবদ্বীপনিবাসী বল্লভ আচার্য্যের  
সাক্ষাৎ কমলাস্বরূপা কণ্ঠা লক্ষ্মীদেবীর সহিত  
পুত্রকে পরিণয়-সূত্রে বদ্ধ কবিলেন।

এই সময়ে নিমাইমুকুন্দসঞ্জয় নামক জনৈক  
ধনাঢ্য ব্রাহ্মণের স্ত্রবৃহৎ চণ্ডীমণ্ডপে স্বয়ং এক  
চতুষ্পাঠী স্থাপনা কবিলেন। শীঘ্রই এই তরুণ  
অধ্যাপকের প্ৰাপ্তিত্য ও প্রতিভা দিকে দিকে  
পরিব্যাপ্ত হইয়া পড়িল এবং অসংখ্য ছাত্র নিত্য  
নিত্য যোগদান করতঃ তাঁহার চতুষ্পাঠী পূর্ণ  
কবিল। এইকপে দিন দিন তাঁহার টোলার  
শ্রীবৃদ্ধি হইতে লাগিল। এই সময়ে নবদ্বীপের  
বিদ্বজ্জন-সমাজ আলোড়িত করিয়া নবদ্বীপের  
জ্ঞানগরিমাকাশে দিগিজয়ীকপী এক ধুমকেতুর  
আবির্ভাব হইল। দ্বিজযী পণ্ডিত কেশব

## শ্রীচৈতন্য

কাশ্মিরী ভারতবর্ষীয় যাবতীয় পণ্ডিত-প্রধান স্থান  
জয় কবতঃ বহুপবিকব ও শিষ্য সমভিব্যাহাবে  
নদীয়ায় উপস্থিত হইলেন। নবদ্বীপেব যশোহবণ  
করিয়া বিজ্ঞাবাজ্যে একচ্ছত্রী হওয়াই তাঁহাব  
অভিলাষ। তিনি নবদ্বীপে “অটোপটঙ্কাবে” ঘোষণা  
কবিলেন,—“যদি কোন পণ্ডিত সাহসী হন, তবে  
আমাব সহিত বিচাবে প্রবৃত্ত হউন, নতুবা সমগ্র  
নবদ্বীপ আমাকে জয়পত্র লিখিয়া দিউন।” সব-  
স্বতীৰ সান্ধাৎ ববপুত্র কেশবেব সহিত বিচাব  
কবিতে হইবে ভাবিয়া, নবীন ও প্রবীণ সমস্ত  
অধ্যাপক ভিত্ত হইলেন। বুঝিবা এতদিনে নব-  
দ্বীপেব যশোহানি হয় কিন্তু তৰুণ নিমাই সহাস্ত  
আন্ত্রে গঙ্গাতীবে তাঁহাব সঙ্গিত বিচাবে দিগ্বিজ-  
যীকে পবাস্ত কবিয়া নদীয়াব যশঃ-শ্রী অক্ষুণ্ণ  
রাখিলেন। দিগ্বিজয়ীও.. পরাজিত হইবা তাঁহাব  
নবট বিদায় লইয়া দণ্ড-কমণ্ডলু ও কোপিন গ্রহণ

## শ্রীচৈতন্য

পূর্ববক শ্রীকৃষ্ণ ভজনে প্রাণার্পণ করিলেন।  
দিগ্বিজয়ী বিজয়েব পর তইতেই প্রভু নবদ্বীপেব  
সর্বপ্রধান পণ্ডিত বলিয়া গণ্য হইলেন।

এই তরুণ অধ্যাপকের অনন্তসাধারণ পাণ্ডিত্য  
ও প্রতিভামণ্ডিত হাশ্বে ও শ্লেষে যখন নবদ্বীপস্থ  
সমগ্র বিবুধজন ব্যতিব্যস্ত, যখন ব্যাকরণ ও  
ন্যায়ের অতলগর্ভে ভক্তির কথা ডুবিয়া যাইতে-  
ছিল, তখন এক দিন এমন একটা ঘটনা সংঘটিত  
হইল যে, নিম্নাইয়ের জীবনের শ্রোত অণু পথে  
প্রধাবিত হইল। এই সময়ে এক দিন নিম্নাই যখন  
সশিষ্য বাজপথে যাইতেছিলেন, তখন মুকুন্দ দত্তও  
গঙ্গাস্নানে যাইতেছিলেন। মুকুন্দ চট্টলবাসী এক  
জন বৈষ্ণবকুমার, নবদ্বীপে অধ্যয়নার্থ আগমন  
করেন এবং কিয়দ্দিন প্রভুর সহপাঠীও ছিলেন।  
এক্ষণে সর্বশাস্ত্রের কচুকটি পরিত্যাগ করিয়া  
বিশুদ্ধ ভক্তিমার্গেব পথিক হইয়া পরম হবিভক্তি

## শ্রীচৈতন্য

পরায়ণ হইয়াছিলেন এবং সুগায়ক বিধায় অদ্বৈ-  
তের সভায় কীর্তন করিতেন। মুকুন্দ হঠাৎ  
নিমাইকে রাজপথে দেখিয়া পাছে বহিমুখ সম্ভাষণ  
করিতে হয়, এই ভয়ে তটস্থ হইলেন ও অন্তপথে  
প্রস্থান করিলেন। পরম মেধাবী নিমাই তাহা  
বুঝিতে পারিয়া শিষ্যগণকে কহিলেন “দেখ দেখ,  
মুকুন্দ আমাকে অবৈষ্ণব মনে করিয়া পলাইয়া  
গেল, কিন্তু তোমাদিগকে বলিয়া রাখিতেছি

“এমন বৈষ্ণব আমি হইব সংসারে,  
অজ্ঞ ভব আসিবেক আমার দ্বারে ॥”

এই সময় হইতেই শ্রীনিমাই ধর্মাচরণে মনো-  
নিবেশ কবিলেন। শ্রীমদ্ভাগবতাদি ‘ভক্তিগ্রন্থ’  
তাহার কণ্ঠস্থ থাকিলেও তিনি ভক্তির যাজ্ঞনা  
একদিনও করেন নাই। এক্ষণে এই ঘটনাব পর  
হইতেই তাহাতে একজন শুদ্ধাচারী বৈষ্ণবের  
লক্ষণ সকল প্রকাশ পাইতে লাগিল। এই সময়ে

পরম ভাগবত শ্রীপাদ ঈশ্বরপুরী নবদ্বীপে আসিয়া উপস্থিত হইলেন। তাঁহার সহিত প্রভুর মৈত্রি জন্মে এবং দুইজনে সর্বদা ভক্তিশাস্ত্র-পঠন ও ভক্তি-কথা-প্রসঙ্গে কালান্তিপাত কবিতেন। কিন্তু ঈশ্বরপুরী শীঘ্রই নবদ্বীপ ত্যাগ কবিয়া তীর্থ ভ্রমণে যাত্রা কবেন। এখন নিমাইয়ের বয়স অনতিক্রান্ত বিংশতি বৎসর। এই অল্প বয়সেই তাঁহার আচার্য্যখ্যাতি দিগদিগন্তে পরিব্যাপ্ত হইয়াছিল। এই সময়ে দয়াল প্রভু একবার পূর্ববঙ্গ পরিভ্রমণে ইচ্ছা করেন, এবং জননী ও পত্নী শ্রীমতী লক্ষ্মীদেবীর নিকট বিদায় লইয়া শিষ্য পূর্ববঙ্গে যাত্রা করেন, এবং শ্রীহট্ট, চট্টগ্রাম ও পদ্মাতীরবর্ত্তী স্থানসমূহ পরিভ্রমণ করিয়া সজ্জন, দুর্জ্জন, আচারী, বিচারী, পতিত, অধম, নীচ, কাঙ্গাল, যে যেখানে ছিল, সকলকে অকাতরে হরিনাম-নিধি বিলাইয়া দেশে প্রত্যাভ্রমণ করি-



## ক্রীড়িতন্য

লেন। নিমাই ঘবে ফিবিয়া মাতৃচৰণে শ্ৰণত  
হইলেন। পবে যখন শুনিলেন যে, তাঁহাব  
প্ৰিয়তমা সহধাৰ্ম্মিণী তাঁহাব বিচ্ছেদকালেৰ মध्ये  
সৰ্প-দংশনে বৈকুণ্ঠলাভ কৰিয়াছেন, তখন কিয়ৎ-  
কাল স্তব্ধ হইয়া বহিলেন। পবে ধৈৰ্য্যাবলম্বন  
পূৰ্বক শোকাকুলা জননীকে প্ৰবোধ দিলেন।  
মাতা আপাতঃ দৃশ্যে প্ৰবুদ্ধ হইলেন বটে, কিন্তু  
সৰলমতি পুত্ৰেৰ ভবিষ্যৎ ভাবনায় বিশেষ চিন্তিত  
হইলেন। তাঁহাব আন্তৰিক ভয়, পাছে বিশ্বকপেৰ  
হ্মায় নিমাইও সংসাৰে বীতবাগ হয়। বিশেষ  
পুত্ৰেৰ এই নবযৌবনে তাঁহাকে বন্ধনহীন অব-  
স্থায় সংসাৰে বাধিতে শচী মাতাব বড় ভয় হইল,  
তাই অনতিবিলম্বে নিমাইষেৰ দ্বিতীয় বার  
বিবাহ দিহে তিনি উদ্যোগী হইলেন। মাতৃ-  
অনুবক্ত শিশুপ্ৰকৃতি নিমাইও মাতৃ-আদেশে  
ৰাজপণ্ডিত সনাতন মিশ্ৰেৰ স্ত্ৰীলা কন্যা সাক্ষাৎ

## শ্রীচৈতন্য

১৫২

লক্ষ্মীকপিণী বিষ্ণুপ্রিয়া দেবীর পাণিগ্রহণ করিলেন ।

- বিবাহের পব প্রায় দুই বৎসর কাল নিমাই নবদ্বীপের টোলে অসংখ্য ছাত্রকে বিদ্যাদান করতঃ স্থিভাবে সংসারে থাকিয়া শচীব মনে হর্ষোৎপাদন করিলেন । এই সময়ে, অর্থাৎ তাঁহার একবিংশতি বর্ষ বয়সে এক দিন তিনি পিতৃঋণ পরিশোধার্থ গয়াক্ষেত্রে যাইবার নিমিত্ত শচীব
- অনুমতি প্রার্থনা করিলেন । স্নেহময়ী শচীদেবী এ বিষয়ে পুত্রকে নিষেধ করিতে পারিলেন না , তাই সঙ্গে নিমাইয়ের মেসো চন্দ্রশেখর ও তাঁহার কতিপয় শিষ্যকে প্রেরণ করিলেন । তাঁহারা আশ্বিন মাসে বাটী হইতে বাহির হুইয়া পদব্রজে বহুপথ অতিক্রম কবিয়া শ্রীধাম গয়া প্রবেশ করিলেন । এই পবিত্র গয়াক্ষেত্রে তাঁহার সহিত পূর্বপরিচিত ভাগবতাগ্রগণ্য শ্রীপাদ ঈশ্বরপুরীর

## শ্রীচৈতন্য

মিলন হইল। ভক্ত পুরীর ভক্তির উচ্ছ্বাস দর্শনে  
ভক্তাবতাব নিমাই ব্যাকুল হইয়া পড়িলেন।  
ভক্তিময় ঈশ্বরপুৰীৰ দেবমূৰ্ত্তি তাঁহার চক্ষে অপা-  
ৰ্থিব প্রতীক্ষমান হইল; আর অমনি আকুলকণ্ঠে  
ব্যাকুল হৃদয়ে তিনি পুরীর নিকট দশাঙ্কর মন্ত্র  
গ্রহণ কবিয়া সুগভীর, সুপবিত্র, সুমহান, সুমধুর  
কৃষ্ণপ্রেমসাগরে নিমজ্জিত হইলেন। পরে  
শ্রীমন্দিরে শ্রীপাদপদ্ম দর্শনে আসিলে গয়ালী  
বিপ্রগণ ভক্তিগদগদকণ্ঠে যখন শ্রীপদেব প্রভাব  
বর্ণনা করিলেন, তখন সেই বিরিঞ্চিবাঙ্কিত,  
অঙ্গ-ভবপূজিত, যোগিগণ-দুর্লভ শ্রীপদ দেখিতে  
দেখিতে প্রেমাবেশে শ্রীনিমাই একেবারে মূৰ্ছিত  
হইয়া শ্রীপুৰীর বক্ষে পতিত হইলেন। পরে সঙ্গী-  
গণেব যত্নে যখন মূৰ্ছাভঙ্গ হইল, তখন অঙ্গত্ৰ  
পুলকাক্ষ, গোমুখী-নিঃসৃত গঙ্গাসুধারানিত তাঁহার  
নয়ন বহিয়া বদনে, বদন হইতে বক্ষে, বক্ষ হইতে

## ঐচ্ছিক

সহস্র ধারায় ধরাযপতিত হইয়া, সেন্থানকে জলময় করিল। উপস্থিত সকলে সেই পবিত্র বারিতে স্নাত হইয়া জীবনে সর্বপ্রথম একপ আশ্চর্য্য প্রেমবিকাশ ও অপূর্ব অশ্রুপাত দর্শন করিতে লাগিলেন। যখন কাঁদিতে কাঁদিতে আর্ন্ত-কণ্ঠে নিমাই চন্দ্রশেখবাদি সঙ্গিগণকে কহিলেন “তোমরা দেশে প্রত্যাবর্তন কর, আমি সংসারে যাইব না, আমি প্রাণেশের উদ্দেশে মথুরায় চলিলাম, আমার বৃদ্ধা জননীকে তোমরা সাস্তুনা করিও,”। তখন তাঁহারা বডই বিপদে পড়িলেন, পরে বহুযত্নে অনেক প্রবোধ দিয়া ও এককপ বল প্রকাশ করিয়াই তাঁহারা এই আবেশময় ভক্তির প্রতিমাটিকে পৌষ মাসের শেষ ভাগে নবদ্বীপে ফিরাইয়া আনিলেন।



## মধ্যলীলা

নবদ্বাপে প্রত্যাবর্তন করিলে সকলে দেখিলেন, সেই উদ্ধতের শিবোমণি নিমাইয়েব পূর্ব ভাব একেবারে অন্তর্হিত হইয়াছে। গৃহে আসিলেও নিমাই গযাব সেই স্তমধুব স্মৃতি মুহূর্তের জগ্গও বিস্মৃত হইতে পাবিলেন না। পবন্ত এই সময়ে তাঁহাতে প্রেমোন্মাদেব লক্ষণ সমুদায় প্রকাশ পাইল। এই দিব্য প্রেমোন্মাদের মধ্যে যখন বাহু জগৎ তিনি একরূপ বিস্মৃত প্রায়, তখন এক দিন তাঁহার অসংখ্য ছাত্র, তাঁহাকে বেষ্টিত কবতঃ পাঠ গ্রহণ করিতে আসিল। তিনিও সকলকে পাঠ দিতে উত্তত হইলেন। কিন্তু সে সময়ে তিনি যাহা কিছু ব্যাখ্যা করিতে লাগিলেন, সে সমস্তই হবিপক্ষে হইতে লাগিল, এভাবও আবার তাঁহার অধিক দিন স্থায়ী হইল না।

## শ্রীচৈতন্য

২২

অল্প দিনের মধ্যেই তিনি ছাত্রগণের নিকট বিদায় গ্রহণ করিয়া সর্বকালের জ্ঞান কৃষ্ণপ্রেমসাগরে ভাসমান হইলেন। তাঁহার ভাগ্যবান শিষ্যগণও সেই দিন হইতে তাঁহার ভক্তশ্রেণী মধ্যে গণ্য হইলেন এবং তাঁহাদের লইয়া তিনিও অপূর্ব নাম-কীর্তন সৃষ্টি করিলেন। শীঘ্রই এই শুভ-সংবাদ নবদ্বীপস্থ পণ্ডিতমণ্ডলীর মধ্যে প্রচারিত হইল, আব শ্রীবাসাদি ভক্তগণ আসিয়া একে একে তাঁহার পার্শ্বে মিলিত হইতে লাগিলেন। এই শ্রীবাসের গৃহেই নিমাই হরিসভা স্থাপন করিলেন ও সমস্ত দিবাবাত্রি হবিগুণ কথন, ও নাম সংকীর্তনে অতিবাহিত করিতে লাগিলেন।

এইরূপে প্রতিদিন নিতাই, অদ্বৈত, হরিদাস, গদাধর, শ্রীবাস, মুরারী, মুকুন্দ, নরহরি, পুরুষোত্তম, পুণ্ডরীকবিদ্যানিধি, গঙ্গাদাস, দামোদর, গোবিন্দ, দাম্বোষ, বক্রেস্বর, চন্দ্রশেখর প্রভৃতি শত শত

## শ্রীচৈতন্য

ভক্ত আসিয়া প্রভুব সহিত মিলিতে লাগিলেন ।  
তঁাহারা সকলে যখন প্রেমে মত্ত হইয়া শ্রীবাসের  
আঙ্গিনায় নাম কীর্তনে বত হইতেন, তখন  
নবদ্বীপস্থ কতকগুলি কুচরিত্র অসূয়াপবাযণ  
ব্যক্তি বহির্দেশ হইতে নানাবিধ অত্যাচার ও  
চীৎকার করিয়া তঁাহাদিগের তপে বিঘ্ন জন্মাইতে  
লাগিল । এই দলের প্রধান ছিল দুই বন্ধু ।  
তাহারা সাধাবণতঃ জগাই মাধাই নামে খ্যাত ।  
ইহাদের মত পাতকী তখন সমগ্র নদীয়ায় আর  
ছিল না । ব্রাহ্মাবংশে জন্মগ্রহণ করিয়া তাহারা  
পাপের শেষ সীমায় উপনীত হইয়াছিল, তাই  
দয়াল নিত্যানন্দ ও হরিদাস, ইহাদের উদ্ধাবার্থ  
দৃঢ় সংকল্প করিলেন । এক দিন নিত্যানন্দ প্রভৃতি  
ভক্তগণ যখন জীবে নাম বিলাইয়া ফিরিতেছিলেন,  
তখন জগাই ও মাধাই আসিয়া সহসা তঁাহাদের  
আক্রমণ করিল । মাধাই একটা ভগ্ন কলসীর

## ଜଗାହି-ମାଧାହି



‘ବ୍ରାହ୍ମଣ ହଇଯା ମନ୍ଥ ଗୋମାଂସ ଭକ୍ଷଣ  
ଡାକା ଚୁରି ପବ ଗୃହଦାହେସ ସର୍ବକ୍ଷଣ,  
ଦିବାନେ ନାହିକ ଦେଖା ବଳୟେ କୋଟାଳ,  
ମନ୍ଥ ମାଂସ ବିନା ଆର ନାହି ବାୟ କାଳ ।’

ଶ୍ରୀଚୈତନ୍ୟ ଭାଗବତ





## শ্রীচৈতন্য

কাণা লইয়া শ্রীনিত্যানন্দ প্রভুর মাথায় এমন দাক্ষণ আঘাত করিল যে, তাঁহাব মস্তক হইতে অজস্র শোণিতধাৰা বহিতে লাগিল। নিতাই সে দাক্ষণ আঘাত উপেক্ষা কবিয়া প্রেমবিহ্বল হৃদয়ে মাধাইকে বক্ষে লইতে উচ্চত হইলে মদোন্মত্ত মাধাই আবার তাঁহাকে প্রহার কবিতে আসিল। শ্রীনিত্যানন্দের দেবদুর্লভ চরিত্র-বলে পাষণ্ড বিগলিত হইল। জগাই এতাবৎ মজ্জমুগ্ধবৎ মাধাইয়ের কার্য্য দর্শন করিতেছিল, এক্ষণে যখন দেখিল, সে পুনরায় শ্রীনিত্যানন্দকে প্রহার করিতে উচ্চত হইয়াছে, তখন ক্ষিপ্ৰগতি আসিয়া বজ্জ-মুষ্টিতে মাধাইয়েব হস্ত ধারণ পূর্ব্বক তাহাকে ভৎসনা করিল। লোকে আসিয়া যখন প্রভুকে এই সংবাদ জ্ঞাপন করিল, তখন তিনি লোক-শিক্ষার্থ যৎপরোনাস্তি কোপ প্রকাশ করিয়া, সেই দুই পাষণ্ডকে শাস্তি দিতে উচ্চত হইলে, অত্ৰোদী

## শ্রীচৈতন্য

পরমানন্দ শ্রীনিত্যানন্দ আসিয়া প্রভুর নিকট  
তাহাদের জন্ম ক্ষমা ভিক্ষা কবিলেন। প্রভুব  
কৃপায় এই দুই মহাপাতকী ব্রহ্মাব দুর্লভ পদ  
প্রাপ্ত হইল।

জগাই মাধাইযেব ন্যায় ধনশালী, দুর্দান্ত ও  
প্রবলপ্রতাপান্বিত ব্যক্তিত্বের এইরূপ অভাবনীয়  
পরিবর্তনে যদিও অনেকের চিত্ত আলোড়িত  
হইল, তথাপি দুই চারি জন খলস্বভাব ব্যক্তি  
কিছুতেই শ্রীগৌরাজের এরূপ নির্ভীকতা ও  
সম্মান সহ্য করিতে পাবিল না, তাহাবা তদানীন্তন  
নদীয়ার মুসলমান কাজীব নিকট যাইয়া তাঁহার  
বিকল্পে কত প্রকার অভিযোগ কবিল। কাজীবও  
স্বীয় স্বাভাবিক দৈত্য-প্রকৃতি বশে চালিত হইয়া  
নবদ্বীপে সংকীর্ণ নিষেধাজ্ঞা প্রচার কবিল।  
তখন হরিনামমূর্ত্তি শ্রীগৌরাজ ভক্তের কারণে  
উদ্ভিগ্ন হইয়া প্রচার করিলেন যে, “তিনি অতী

## শ্রীচৈতন্য

কাজী দমনে গমন করিবেন, ভক্ত যে কেহ  
আছেন, আসিয়া মিলিত হউন।” শ্রীমুখ হইতে  
এই অদেশ প্রচাব হইবামাত্র বিদ্যুৎগতি এসংবাদ  
দিকে দিকে বাষ্ট্র হইল, আব অমনি অপরাহ্ন  
সময়ে একে একে, দশে দশে, শতে সহস্রে, লক্ষ  
লক্ষ লোক এক এক দোপ ও তদুপযুক্ত তৈলাদি  
লইয়া প্রভুর বাটী বেষ্টিত করিতে লাগিল। কাজী  
এতাবৎ উদ্বিগ্ন হইলেও বিশেষ ভীত হযেন নাই।  
এক্ষণে যখন সেই অসংখ্য কণ্ঠের হরিধ্বনি ক্রমে  
তাঁহার নিকটবর্তী হইতে লাগিল, তখন তিনি  
ভয়ে অস্থির হইয়া উঠিলেন ও সদলে পলায়ন  
করিতে চেষ্টা কবিলেন, কিন্তু এই লক্ষ লক্ষ  
প্রেমাবিষ্ট ভক্তের চক্ষু হইতে, ঐ উজ্জ্বল  
আলোকে অল্প সংখ্যক মুসলমান কোথায় পালা-  
ইবে ? স্মৃতবাং কাজী আরও প্রচ্ছন্নভাবে থাকা  
বুঝা মনে করিয়া গললগ্নীকৃতবাসে দীনভাবে

## শ্রীচৈতন্য

২৫

শ্রীগৌরাজেব পদে শরণ লইল, তখন অক্রোধী  
শ্রীগৌরাজ লৌকিক ক্রোধ অপসারণ কবিয়া  
কাজীকে সম্বন্ধনা কবিলেন। এই কাজীর  
সমাধি আজ পর্য্যন্ত বর্তমান মাষাপুর গ্রামেব  
অদূরে উত্তরপূর্ব কোণে বিদ্যমান রহিয়াছে।  
একটি সুবৃহৎ গোলোক চাঁপাব বৃক্ষ ঐ সমাধিব  
উপর জন্মিয়া সুশীতল ছায়া দানে কবরটিকে  
শীতল রাখিয়াছে। অনুসন্ধানে জানা গিয়াছে  
এই কাজীর নাম ছিল “মৌলানা-সিরাজ-উদ্দিন”  
কথিত আছে, ইনি নদীয়ায় কাজী পদে প্রতিষ্ঠিত  
হইবার পূর্বে গোড়েশ্বর হুসেন সাহের শিক্ষক  
পদে নিযুক্ত ছিদ্দেন।

এইকদে প্রভু কাজী দমন পূর্বক হরিধ্বনি  
দিয়া তাহার অসংখ্য ভক্তবৃন্দকে আশ্বস্ত করিলেন,  
এবং নবদ্বীপে নাম-মাহাত্ম্য পূর্ণকদে স্থাপনা  
করিয়া গৃহে প্রত্যাবর্তন করিলেন। এই অপূর্ব



ଶ୍ରୀମତୀ ଶ୍ରୀମତୀ ଶ୍ରୀମତୀ  
 ଶ୍ରୀମତୀ ଶ୍ରୀମତୀ ଶ୍ରୀମତୀ  
 ଶ୍ରୀମତୀ ଶ୍ରୀମତୀ ଶ୍ରୀମତୀ  
 ଶ୍ରୀମତୀ ଶ୍ରୀମତୀ ଶ୍ରୀମତୀ  
 ଶ୍ରୀମତୀ ଶ୍ରୀମତୀ ଶ୍ରୀମତୀ

ଶ୍ରୀମତୀ ଶ୍ରୀମତୀ



## শ্রীচৈতন্য

১৫৫

ঘটনার পর হইতে গৌরহরির বাহুজ্ঞান ক্রমশঃই  
হ্রাস হইয়া আসিতে লাগিল। এখন কখন  
নামরসে বিভোর থাকেন, আবার কখন আবিষ্ট  
হইয়া বিমুখটায় উপবেশন পূর্বক ভক্তবৃন্দের  
পূজার্চনা গ্রহণ করেন। কখন বা নানাবিধ  
অলৌকিক ক্রিয়াব দ্বারা সকলকে চমৎকৃত  
করেন। শ্রীবাসের মৃত পুত্রের প্রাণদান, সজ-  
রোপিত বৃক্ষ হইতে অলৌকিকরূপে ফলোৎপাদন,  
সত্ত্ব অস্ত্রাধা ব্যাধি বিনাশ, স্পর্শ মাত্রেই  
অপ্রেমিকের প্রেমলাভ ইত্যাদি কত শত অত্যা-  
শ্চর্য্য ব্যাপার এই সময় সংঘটিত হইতে থাকে।  
কিন্তু সেই অলৌকিক প্রেমময় শ্রীদেবের অপূর্ব  
ভাষোচ্ছ্বাসের নিকট এ সকলের মূল্য কি ?  
এই সময় তাঁহার বয়ঃক্রম চতুর্বিংশতি বৎসর  
মাত্র। এই বয়সে তাঁহার প্রেমবৈকল্য সাতিশয  
বৃদ্ধি পাওয়ায়, তাঁহার দেহ-চেফাদিও তিরোহিত



## ঐতিহ্য

হয়, এমন কি দিবাবাত্রির প্রভেদজ্ঞানও একে-  
বারে অন্তর্হিত হইয়া যায়, এবং তিনি সম্পূর্ণরূপে  
কৃষ্ণপ্রেমে তন্ময়তা লাভ করেন। সঙ্গে সঙ্গে  
তাহার সংসারে বিবাগ উপস্থিত হইল, এবং দীন-  
দয়াল প্রভু আসমুদ্র হিমাচল সমগ্রদেশে প্রেম  
বিনাইতে, বিশেষতঃ বিভিন্ন ধর্ম-সম্প্রদায়ী ও  
সন্ন্যাসীগণের সান্নিধ্যলাভ করিতে, এবং মূর্খগণের  
মন হইতে বিদ্বেষ ভাব দূর করিতে কঠোর  
সন্ন্যাসব্রত গ্রহণ বাসনা করিলেন। ১৪৩১  
শকে ( ১৫১৯ খ্রীষ্টাব্দে ) উত্তরাধ্বাংগ সংক্রান্তির  
গভীর নিশায গোপনে গৃহত্যাগ করতঃ মাঘের  
দাক্ষিণীত উপেক্ষা করিয়া, সম্ভবতঃ গঙ্গা পার  
হইয়া, ত্রীগৌরাজ কাঞ্চন নগরে ( কাটোয়ায় )  
উপস্থিত হইয়া, শ্রীকেশব ভারতীর সহিত মিলিত  
হইলেন। ভাবতী কিছুদিন পূর্বে একবার  
বদ্বীপে গিয়াছিলেন। তখন শ্রীনিমাই তাহার

নিকট সম্মাস গ্রহণেব প্রস্তাব কবেন, স্মতরাং তাঁহাকে দেখিবামাত্র তিনি তাঁহার সকল বুঝিতে পারিলেন। এই সময়ে শ্রীনিত্যানন্দ, শ্রীগদাদর, শ্রীমুকুন্দ, শ্রীচন্দ্রশেখবাচার্য্য, ও শ্রীব্রহ্মানন্দ ঠাকুব প্রভুর অনুসন্ধানে বাহির হইয়া কাটোয়ায় প্রভুব সহিত মিলিত হইলেন। তাঁহারা এবং সমবেত অসংখ্য জনশ্রেণী কাতরকণ্ঠে তাঁহাকে এই দাক্ষণ সংকল্প পরিত্যাগের জন্য কত অনুবোধ উপবোধ করিলেন, কিন্তু গোঁবেব দার্ট্য দেখিয়া অবশেষে তাঁহাবা সকলেই নিরস্ত হইলেন। তখন শ্রীগৌরান্ধ, চন্দ্রশেখর আচার্য্যের প্রতি বিধিযোগ্য সমস্ত অযোজনের ভারার্পণ করিলেন। সমস্ত আয়োজন শেষ হইলে শুভ সংক্রান্তিতে যখন শ্রীগৌরান্ধের মস্তক মুণ্ডনেব জন্য ক্ষৌরকারকে আহ্বান করা হইল, তখন সেই নরসুন্দর, প্রভুর অলৌকিক রূপ-গুণে মুগ্ধ হইয়া, তাঁহার মস্তক

## অচৈতন্য

স্পর্শে সাহসী হইল না। পরে প্রভুর নিকটে  
আশ্রয় হইয়া ও বর পাইয়া সেই শোকাবহ কার্যে  
হস্তক্ষেপ করিল। এইরূপে প্রভু ক্ষৌরকার্য  
সমাপ্ত করতঃ গঙ্গান্নান পূর্বক ভারতীর নিকট  
সন্ন্যাস মন্ত্র গ্রহণ কবিলেন। সন্ন্যাস গ্রহণের  
পর প্রভুবাব এক জগন্মঙ্গল নাম হইল  
“শ্রীকৃষ্ণচৈতন্য”। দীক্ষার পর প্রভু প্রেমাবেশে  
আবিষ্ট হইয়া হৃদয় কবিত্তে লাগিলেন ও বাহু-  
জ্ঞান-শূন্য হইয়া যদৃচ্ছা গমন করিতে লাগিলেন।  
পরে কিয়দ্দিবস পথে পথে হবিনাম-নিধি  
বিলাইয়া প্রথমে ফুলিয়ায় হরিদাসের আশ্রমে,  
পরে শান্তিপুৰ অদ্বৈত আচার্য্যের গৃহে আসিয়া  
উপস্থিত হইলেন। তন্তুবন্দ এমন কি, তাঁহার  
পূর্ব নিন্দুকগণও প্রভু সন্ন্যাসগ্রহণ করিয়া অতি  
নিকটেই আসিয়াছেন শুনিয়া, প্রভুকে দেখিতে  
ফুলিয়া ও শান্তিপুৰে আসিয়া মিলিতে লাগিলেন।



न कवि  
वङ्ग नहिम डीम

३१८



## শ্রীচৈতন্য

তখন সমস্ত শান্তিপুৰে এক হৰিধ্বনি ব্যতীত আৰু  
কিছুই শুনা যাইতেছিল না। সেই সংখ্যাতিত  
ভক্তকণ্ঠেৰ হৰিধ্বনিত তখন শান্তিপুৰ মুখৰিত,  
কবির কথায়, তখন প্ৰেমেৰ বজায় “শান্তিপুৰ  
ডুবু ডুবু নদে ভেসে যায়।” এই আনন্দ-নৃত্যে  
কয়েক দিবস অতিবাহিত কৰিয়া প্ৰভু মাতা ও  
ভক্তবৃন্দেৰ নিকট বিদায় গ্ৰহণ কৰতঃ নীলাচল  
অভিমুখে যাত্ৰা কৰিলেন।



## অন্ত্যলীলা ।

নীলাচল চন্দ্রের ইন্দু-বদন দর্শনেব জগৎ  
উৎকণ্ঠিত হইয়া, পথে সর্ব্ব বাধাবিপত্তি উপেক্ষা  
করিয়া প্রভু পুরীষ পথে অগ্রসর হইলেন । বহু  
পথ অতিবাহন কবিয়া, তিনি তাঁহাব সমভিব্যাহারী  
শ্রীপাদ্ নিত্যানন্দ, পণ্ডিত জগদানন্দ, দামোদর  
পণ্ডিত ও মুকুন্দ দত্ত, এই চারি জনকে লইয়া  
স্বচ্ছন্দে বেমুণায় উপস্থিত হইলেন । তথায়  
প্রেমানন্দে যামিনী যাপন কবিয়া তাঁহাবা বেমুনা  
ও কটকের মধ্যবর্ত্তী স্থান বাজপুরে আসিলেন ।  
তথা হইতে শ্রীসাক্ষীগোপাল দর্শনে গমন করি-  
লেন । পর দিন কমলপুরে উপস্থিত হইয়া  
মহাপ্রভু ভার্গব নদীতে স্নান-দানাদি সমাধা পূর্ব্বক  
কপোতেশ্বর দর্শনে গমন করিলেন । শ্রীনিত্যানন্দ  
এই স্থানে প্রভুর সন্ন্যাসের চিহ্ন ও সম্বল দণ্ড

## শ্রীচৈতন্য

২২২

খানিকে ভগ্ন কবিয়া নদী জলে ভাসাইয়া  
দিলেন, তদবধি সেই নদী “দণ্ডভাঙ্গা” নামে খ্যাত  
হইল। কপোতেশ্বর দর্শন কবিয়া মহাপ্রভু  
আবাব চলিলেন। কমলপুর হইতে কিয়দূর  
যাইতেই পুরীৰ মন্দিরে চূড়া সকল নয়নে  
উদ্ভাসিত হইল, আব সেই এত দিনের অভীষ্ট  
বস্তু দর্শনে মহাপ্রভু প্রেমাবেশে হৃৎকার করিতে  
লাগিলেন। এইকপ ভাবাবেশে পুরী প্রবেশ  
করিয়া প্রভু চকিত্তের মধ্যে শ্রীজগন্নাথের সম্মুখে  
যাইয়া উপস্থিত হইলেন এবং লক্ষ দিয়া যেমন  
শ্রীমুক্তি স্পর্শ করিলেন, অমনি প্রেমবিহ্বলিত  
হইয়া ভাবাবেশে মুচ্ছিত হইয়া পড়িলেন। দৈব-  
যোগে সেই সময় ভুবনবিখ্যাত, নদীয়াব গোববববি,  
বান্ধদেব সার্বভৌম তথায় উপস্থিত ছিলেন।  
তিনি সেই নবীন সন্ন্যাসীর অপূর্ব প্রেমবিকাশ  
ও অলৌকিক ভাবাবেশ দেখিয়া অজ্ঞাতসারে



## শ্রীচৈতন্য

প্রভুকে প্রাণ সমর্পণ করিলেন। তাই যত্ন পূর্বক জগন্নাথের পবিত্রবগনদ্বারা বহন কবাইয়া প্রভুকে নিজ বাস ভবনে লইয়া আসিলেন। সগোষ্ঠী শ্রীচৈতন্য কিছু দিন সার্বভৌমের বাটীতেই অবস্থান করিলেন। নিমাইয়ের মধুর সঙ্গে বেদান্তবাদী শত শত সন্ন্যাসীর গুরু, নদীয়ার পণ্ডিত কুলববি সার্বভৌমের মন ভক্তিপথে ধাবিত হইল এবং শেষে শ্রীপ্রভুকে বেদান্তমতে শিক্ষা দিতে যাইয়া তিনি স্বয়ংই ভক্তি বসে গলিয়া যান ও প্রভুর ষড়ভুজ মূর্তি দর্শনে স্তব করেন। সেই স্তবাবলী “চৈতন্য-শতক” নামে আজও ভক্তের হৃদয়ে ভক্তির উচ্ছ্বাস আনিয়া দিতেছে।

এইকপে পণ্ডিতকুলশেখর সার্বভৌম বিজিত হইলে ক্রমে বহু সন্ন্যাসী, দণ্ডী, মায়াবাদী পণ্ডিত ও অবিখ্যাসী অনেকেই নির্বিচারে শ্রীগোরাঙ্গপদে



## দীক্ষণাত্ম পথে



‘কৃষ্ণদাস নামে এই সবল ব্রাহ্মণ  
ইহা সঙ্গে কবি লহ ধর নিবেদন ,  
জল পাত্র বস্ত্র বহি তোমার সঙ্গে বাবে  
যে তোমার ইচ্ছা কর কিছু না বলিবে ।’

কবিচন্দ্র চন্দ্রিকা


## শ্রীচৈতন্য

দ্বন্দ্ব



আত্মসমর্পণ করেন। এমতে নীলাচলে দুই মাস  
প্রেমানন্দে অতিবাহিত হইলে পর প্রভু এক দিন  
দক্ষিণ অঞ্চল ভ্রমণে ইচ্ছা প্রকাশ কবতঃ তন্তু-  
গণের নিকট স্থায়ী অভিপ্রায় প্রকাশ কবিলেন,  
এবং শীঘ্র প্রত্যাগমন কৰিবেন, প্রতিজ্ঞাবদ্ধ হইয়া  
একমাত্র কৃষ্ণদাস নামক জনৈক ভক্তিমান  
বিপ্রকে সঙ্গে লইয়া ১৪৩২ শকেব ( ১৫১৯ খ্রীঃ  
অঃ ) বৈশাখ মাসে দাক্ষিণাত্য উদ্ধার কবিতে  
যাত্রা করিলেন, পথে অচিন্তনীয় পবমান্দ্রুত, অলৌ-  
কিক ঐশীশক্তি প্রকাশ কবিয়া প্রভু দেহ  
চেষ্টাদি বিরহিত হইয়া নিতান্ত দীনবেশে দাক্ষি-  
ণাত্য ভ্রমণ করিতে লাগিলেন। যখন তিনি  
কুর্শ্মতীরে উপনীত হইলেন, তখন বাসুদেব নামে  
একজন মহাব্যাধিগ্রস্ত ভক্তিমান ব্রাহ্মণ স্থাসিয়া  
প্রভুর শরণাপন্ন হইলেন। দয়ালঠাকুর তাঁহাকে  
নিতান্ত কাতর দেখিয়া সেই পুণ্ড্রগন্ধময়, কীড়া-

৭



## ଶ୍ରୀଚୈତନ୍ୟ

ସଞ୍ଜୁଳ କ୍ଷତବିଶିଷ୍ଟ ବ୍ରାହ୍ମଣକେ ଗାଠ ଆଲିଙ୍ଗନ  
ପ୍ରଦାନେ ଧନ୍ୟ କରିଲେନ । ବ୍ରାହ୍ମଣଓ ଦେବଦୁର୍ଲଭ  
ଶ୍ରୀଅଙ୍ଗେବ ସ୍ପର୍ଶସ୍ଥୁ ଥାନ୍ତୁ ହିଁୟା ତଂକ୍ଷଣାଂ ଦିବ୍ୟ  
ଦେହ ଲାଭ କବତଃ ପ୍ରଭୁ ଚରଣେ ଆତ୍ମବିକ୍ରୟ କରି-  
ଲେନ । ଏହିକାଳେ ଅବିଚାରେ ପତିତ, ଅଧମ, ଦୁର୍ଜନ,  
କାଙ୍ଗାଳ ସକଳକେ ସମଭାବେ 'କୃପାପୂର୍ବକ ଉଦ୍ଧାର  
କରିଯା ପ୍ରଭୁ ଜିୟଡ଼ ନୂସିଂହାଦି ଶ୍ରୀର୍ଥ ଦର୍ଶନ କରିଯା  
କ୍ଷୀଣସଲିଳା ଗୋଦାବରୀ ତାବେ ଉପନୀତ ହିଁଲେନ ।  
ପବେ ଗୋଦାବରୀ ପାର ହିଁୟା ରାଜମାହିନ୍ଦ୍ରପୁରେ ଗମନ  
କରିଲେନ ଏବଂ ତଥାୟ ରସିକଶେଖର ବାମାନନ୍ଦେର  
ସହିର୍ତ୍ତ ମିଳିତ ହିଁଲେନ । ରାମାନନ୍ଦେବ ମଧୁର ସଞ୍ଜେ  
ଦଶବାତ୍ରି ଅନ୍ତରାନ୍ତରିତ କରିଯା ଏବଂ ତାହାକେ ଆପ-  
ନାବ ଭୁବନାନନ୍ଦ ମଞ୍ଜୁଲୟ କପ ପ୍ରଦର୍ଶନ କରିଯା  
ମହାପ୍ରଭୁ ପୁନରାୟ ଶ୍ରୀର୍ଥ ଭ୍ରମଣେ ବହିର୍ଗତ ହିଁଲେନ ।  
ପୂର୍ବେର ଶ୍ରୀୟ ନାମ୍ନ କୀର୍ତ୍ତନ କବିତେ କରିତେ ପ୍ରଭୁ  
ସେ ପଥେ ଚଳିତେ ଲାଗିଲେନ, ତାହାବ ଚତୁଃପାର୍ଶ୍ବ

## শ্রীচৈতন্য

গ্রামে অমনি অনুভবনীয় ভাবে প্রেমের ঝটিকা বহিতে লাগিল, যে কেহ তাঁহার দর্শনলাভ কবিলেন, তিনিই প্রেমে মত্ত হইলেন, আবার তাঁহাকে যিনি দর্শনলাভ কবিলেন, তিনিও প্রেমে মত্ত হইলেন. আবার তাঁহাকে যিনি দর্শন বা স্পর্শ কবিলেন, তাঁহাবও ঐক্য অবস্থা হইল। এইরূপে সমগ্র দাক্ষিণাত্যে অল্পকালের মধ্যে হরিনাম প্রচারিত হইল। প্রভু রামানন্দের নিকট বিদায় লইয়া মল্লিকার্জুনাধীশ, অহোবল, সিন্ধিবট, স্কন্দক্ষেত্র, ত্রিমট, বুদ্ধকাশী, ত্রিপদিমল্ল, বেক্টার, পানানবসিংহ, শিবকাশি, বিষ্ণুকাশি, ত্রিমল্ল প্রভৃতি স্থান পবিত্রমণ কবিত্তে লাগিলেন ও বল্লভর বামাধি, বামানুজ, শিব, বুদ্ধ, দণ্ডী প্রভৃতিকে উদ্ধার করিয়া ক্রমে কাবেব্বী তটে উপনীত হইলেন, তথায় অবগাহন করিয়া শ্রীরঙ্গক্ষেত্রে প্রবেশ কবিলেন, এখানে বেক্ট

## শ্রীচৈতন্য

ভট্ট নামে একজন ভক্তের গৃহে রহিয়া তিনি চাতুর্মাস্য ত্রত উদ্‌যাপন 'করিলেন। অনন্তর ঋষভ পর্বতে পবমানন্দ পুর্বীক সহিত সাক্ষাৎ কবিয়া কামকোষ্টি, দক্ষিণ মথুবা, মহেন্দ্র শৈল, সেতুবন্ধ ফল্গুতীর্থ, পঞ্চাপস্রবা, দ্বৈপায়নী, কোলা-পুর, পাণ্ডুতীর্থ, মলয় 'পর্বত' প্রভৃতি অতিক্রম কবিয়া মল্লার দেশে উপনীত হইলেন। এখানে ভট্টমারী সম্প্রদায়েব কয়েক ব্যক্তি শ্রীপ্রভুব সঙ্গী কৃষ্ণদাসকে প্রলোভিত করে, "প্রভু তাহাদেব মায়া হইতে তাহাব উদ্ধাব করেন। ক্রমে মান্দ্রাজ অঞ্চল হইতে নন্দাদা তীরে বহু তীর্থ ভ্রমণ কবিয়া, তিনি বোম্বাই, প্রদেশস্থ সোলাপুরে উপনীত হইলেন। এখান হইতে তিনি দ্বারকা গমন কবেন, পবে শ্রী সর্বোবব, তাপ্তি নদী, ঋগ্মুক, দণ্ড-কারণা, পঞ্চবটী, ও নাসিক, ত্র্যম্বক, ত্র্যম্বকগিবি, কুবাবর্জ প্রভৃতি পবিত্রমণ কবিয়া রামানন্দের

## শ্রীচৈতন্য

সহিত পুনর্মিলিত হইলেন, তথা হইতে পূর্বপথে  
আলাল নাথে প্রত্যাবর্তন করেন, এই আলাল-  
নাথ হইতে প্রভু সমভিব্যাহারী কৃষ্ণদাসকে  
নীলাচলে প্রেরণ করিলেন। নিত্যানন্দাদি তাঁহার  
আগমনবার্তা প্রাপ্ত হইয়া মহাকুতূহলে তথায়  
আসিয়া প্রভুর সহিত মিলিত হইলেন। প্রভুও  
তাঁহাদের প্রাপ্ত হইয়া তাঁহাদের সঙ্গে কীর্তনবঙ্গে  
নীলাচলে প্রত্যাগমন করিলেন। এইকপে শ্রীকৃষ্ণ  
চৈতন্য শত শত যোজন পথ, অরণ্য, প্রাস্তর  
গিরি, নদী আদি অতিক্রম করিয়া এবং পথিমধ্যে  
শৈব, বামাং, বৌদ্ধ, এমন কি মুসলমান, পাঠান  
প্রভৃতি ভিন্ন ভিন্ন সম্প্রদায়ী ও ধর্মাবলম্বী  
সহস্র সহস্র ব্যক্তিকে বৈষ্ণবধর্মে দীক্ষিত করিয়া  
এক বৎসর আট মাস ষড়বিংশতি দিন পক্ষে  
( ১৫১১ খ্রীঃ ১৪৩৩ শকে ) তরা মাঘ তারিখে  
পুরীতে প্রত্যাবর্তন করেন। প্রত্যাবর্তনান্তে




## শ্রীচৈতন্য

১৫৯

কাশীমিশ্রের ভবনে রহিয়া শ্রীচৈতন্য মহাপ্রভু  
নীলাচলবাসী অসংখ্য ভক্তবৃন্দের সহিত মিলিত  
হইলেন এবং তাঁহাদের ভক্তিপূর্ণ পূজাদি  
গ্রহণ করতঃ তাঁহাদিগকে কৃতার্থ করিলেন।  
এখানেই শ্রীচৈতন্যলীলার অর্দ্ধপাত্র শিখি মাইতি  
বামানন্দের পিতা ভবানন্দ ও তাঁহার আব চারি  
পুত্র, প্রদ্যুম্ন মিত্র এবং দুই পূর্ণপাত্র স্বরূপ  
দামোদর ও রামানন্দ সহিত প্রভুব মিলন হয়।  
শ্রীপাদ অদ্বৈতপ্রভু মহাপ্রভুব প্রত্যাগমনের কুশল-  
বার্তা পাইয়া মহাফ্লাদে মহোৎসবে বসত হইলেন,  
পরে তিনি সমাগত ভক্তগণের ঐকান্তিক ঔৎসুক্যে  
বিচলিত হইয়া শচী ও বিষ্ণুপ্রিয়া দেবীর আদেশ  
লইয়া, মুরারী, হরিদাস প্রভৃতি বহু স্ত্রীপুরুষ  
ভক্ত সঙ্গভিষ্য'হাবে বথযাত্রার অব্যবহিত পূর্বে  
শ্রীচৈতন্য স্মরণ পূর্বক প্রভুমিলনে, নীলাচল  
উদ্দেশ্যে যাত্রা করিলেন। নীলাচলে প্রাণাধিক



ভাবতবর্ষ



মহাপ্রভুব শ্রীশ্রীজগন্নাথ দর্শন  
'মুখ্যথানি পূর্ণিমাং শশী কিবা মঙ্গ জপে,  
বিশ্ব বিডম্বিত ঠোট কেন সদা কাঁপে।'—নয়নানন্দ,  
।।টৈচতত্ত্ব

## শ্রীচৈতন্য

প্রিয় প্রভুকে প্রাপ্ত হইয়া ভক্তগণ সংকীৰ্ত্তনানন্দে দিন অতিবাহিত করিতে লাগিলেন। দেখিতে দেখিতে বথযাত্রাব কাল আসিয়া উপস্থিত হইল। ঐদিন প্রভু প্রত্যুষে স্নানাদি সমাপন করিয়া ভক্তবৃন্দ সঙ্গে বথযাত্রা দর্শনে গমন করিলেন। সেই সুসজ্জিত পতাকাদি শোভিত শ্রীশ্রীজগন্নাথ বিবাজিত অপূৰ্ব বথশ্রী দর্শনে প্রভু প্রেমাবিষ্ট হইয়া নৃত্য করিতে লাগিলেন। ক্রমে বাহুজ্ঞান বিবহিত হইয়া ভুলুপ্তিত হইলেন। এই সময়ে উৎকলাধিপতি রাজা প্রতাপরুদ্র, (যিনি বিষয়ী বিধায় বহু চেষ্টাতেও এতাবৎ প্রভুর কৃপানাভের সমর্থ হইয়া নাই), দীন বৈষ্ণববেশে তথায় গমন করিয়া বাহু জ্ঞান বিবহিত প্রভুর পাদ সম্বাহন করিতে আবস্থ করিলেন। এবং শ্রীমদ্ভাগবৎ হইতে সমযোচিত এক শ্লোক পাঠ করিলে প্রেমের পাগল ঠাকুরটী ভাগবৎ শ্রবণে

## শ্রীচৈতন্য

বাহু পাইয়া ও উল্লসিত হইয়া বাজাকে দৃঢ়  
আলিঙ্গন করিলেন। এইকথ নানা মহোৎসবে  
রথযাত্রা সমাপ্ত হইলে গোড়ীয় ভক্তগণ কার্তিক  
মাহার উত্থান দ্বাদশী পর্য্যন্ত নীলাচলে বাস করি-  
লেন, পবে শ্রীপ্রভুর আদেশে ক্রমে সকলে দেশে  
প্রত্যাবর্তন করিলেন। কেবল মাত্র গঙ্গাধর  
পণ্ডিত, হরিদাস ঠাকুর, পবমানন্দপুরী, স্বরূপ,  
দামোদর প্রভৃতি দশ জন প্রভুর নিকট রহিলেন।  
ক্রমে তিন বৎসর অতিবাহিত হইল। গোড়ীয়  
ভক্তগণও প্রতিবৎসর প্রভুদর্শনে নীলাচলে  
আসিতে লাগিলেন। এই তৃতীয় বৎসবে প্রভু  
যখন ভক্তগণকে বিদায় দিতে উত্তত হইলেন,  
তখন তিনি শ্রীপাদ নিত্যানন্দের প্রতি আদেশ  
করিলেন যে, প্রতিবৎসর নীলাচলে না আসিয়া  
তিনি গোঁড়ে রহিয়া আচণ্ডালে নাম বিলাইবেন।  
প্রভু এইকপে আবও ২ বৎসর কাল নীলাচলে

## শ্রীচৈতন্য

অবস্থিতি করিলেন। অনন্তর সার্বভৌমাদি  
ভক্তগণের সম্মতিক্রমে গোঁড় হইয়া শ্রীবৃন্দাবন  
যাইবেন, একপ স্থিৰ করিয়া বিজয়া দশমীব দিন  
প্রভাতে প্রভু নীলাচল, চন্দ্রব ইন্দুবদন দর্শন  
করিয়া শুভযাত্রা করিলেন। পরে কটকে  
আসিয়া সপরিবার প্রতাপকদ্রকে কৃতার্থ করিয়া  
প্রভু নীলাচল ত্যাগ করিয়া গোঁড়াভিমুখে যাত্রা  
করিলেন এবং কিছুদিনে শ্রীপাট খডদহেব নিকট-  
বর্তী পাণিহাটা গ্রামে রাখব পণ্ডিতের আশ্রমে  
উপনীত হইলেন। এই রাখব প্রভুব এক জন  
অতি প্রিয়ভক্ত ছিলেন। এখান হইতে তিনি  
শ্রীবাস পণ্ডিতের কুমারহট্টস্থ নূতন ভবনে উপ-  
স্থিত হইলেন। কুমারহট্ট (বর্তমান হালিসহব  
গ্রাম) শ্রীপাদ ঈশ্বরপুরীর জন্মস্থান, তাঁ. এখান  
আসিয়া প্রভু দুর্লভ জ্ঞানে কুমারহট্টেব ধূলি-রেণু  
উত্তরীয় অঞ্চলে বাঁধিতে লাগিলেন। ভক্তপ্রধান

## ঐচ্ছিক

ভাগ্যবান শ্রীবাসকে কৃতার্থ কবিয়া ভক্তগতপ্রাণ  
প্রভু কাঞ্চনপল্লী ( বর্তমান নাঁচডাপাড়া ) শিবা-  
নন্দেব ভবনে গমন কবিলেন । তথা হইতে  
উক্ত গ্রামবাসী বাসুদেবের বাটী গমন কবিলেন ।  
এই যে প্রভু নীলাচল হইতে শত শত ক্রোশ  
পথ অতিবাহন কবিয়া দেশে প্রত্যাবর্তন করিতে-  
ছেন, সে একাকী আসিতেছেন না, যে অপূর্ব  
শক্তি প্রকাশ কবিয়া তিনি দাক্ষিণ্য প্রভৃতি  
হরিনাম-প্লাবিত কবিয়াছিলেন, এই সমগ্র পথেও  
সে শক্তির পূর্ণ বিকাশ কবিয়া চলিতেছেন, আর  
তঁাহার সঙ্গে সংখ্যাতীত জনপ্রবাহ এক মহা  
আকর্ষণেব বলে পশ্চাৎ পশ্চাৎ চলিতেছে ।  
শ্রীপ্রভু কাঞ্চনপল্লী ত্যাগ কবিয়া নৌকাযোগে  
শ্মশ্ৰুতপুত্র্যুত্তীর্ণ হইয়া যাত্রা কবিলেন, আব অমনি  
অসংখ্য লোক কূলে কূলে তঁহার অনুসরণ  
কবিল । এইকণ অসংখ্য ভক্ত পবিত্র

## শ্রীচৈতন্য

১৫৫

শ্রীশ্রীঅদ্বৈতের প্রাণনাথ শাস্তিপুরে অদ্বৈত-মন্দিরে  
শুভাগমন কবিলেন। বহুদিন পবে চিরবাস্তিত  
তাবানিধিকে পাইয়া অদ্বৈতাদি ভক্তগণের  
যে মহানন্দ জাম্বল চাহা বর্ণনা করিবাব  
ভাষা নাই। শাস্তিপুুর হইতে নবদ্বীপচন্দ্র,  
শচীচুলাল, শ্রীবিষ্ণুপ্রসাবল্লভ নদীয়ার সর্বস্ব  
প্রভু নবদ্বীপের একাংশ বিদ্যানগবে আসিয়া  
উপনীত হইলেন। আব কিছু দিন এই চিরপ্রিয়  
ভূমিতে শাস্তিতে থাকিবাব মানসে গোপনে সার্ব-  
ভৌমেব ভ্রাতা বাচস্পতিব গৃহে উপনীত হইলেন।  
বাচস্পতিগৃহদ্বারে বৈকুণ্ঠনাথক অতিথি প্রাপ্ত  
হইয়া আনন্দে দিশেহাবা হইলেন, আর পুলকপূরিত  
অঙ্গে গোপনে প্রভুর সেবায় রত হইলেন। ক্রমে  
যখন প্রভুব নবদ্বীপ আগমন বার্তা চতুর্দিকে প্রস-  
রিত হইল, তখন দলে দলে লোক সকল আসিয়া  
বাচস্পতির গৃহ-প্রাক্ষণ পূর্ণ হইতে লাগিল।



## শ্রীচৈতন্য

দেখিতে দেখিতে প্রাজ্ঞন পূর্ণ হইয়া গেল। তখন সকলে নিকটবর্তী বাস্তা ও মাঠে সমবেত হইতে লাগিল। ক্রমে যখন তাহাতেও স্থান সংকুলান হইল না, তখন লোকে অপথ, বন, জঙ্গল, বৃক্ষশাখা প্রভৃতিতে স্থান গ্রহণ করিল। এইরূপে বিদ্যা-নগরে যখন মহাজনতা হইল, তখন লীলাময় প্রভু বাচস্পতিব গৃহত্যাগ করিয়া গঙ্গার তটস্থ ফুলিয়া-গ্রামে মাধবদাসের বাটী যাইয়া উপনীত হইলেন। এই ফুলিয়াতেই পরম ভাগবত, দেবানন্দ ঠাকুরের অপরাধ ভঞ্জন হয়। তিনি পূর্বের মায়াবাদী ছিলেন, এবং শ্রীমদ্ভাগবতের 'ভক্তিহীন ব্যাখ্যা' করিতেন। প্রভুর নবদ্বীপ বাসকালে দেবানন্দকে তিনি এ বিষয়ে উপদেশ দিলেও মোহান্বিত দেবানন্দ প্রভুকে চিনিতে না পারিয়া তাঁহার কথা অবহেলা করিয়াছিলেন। এক্ষণে ভক্ত শিরোমণি বক্ত্রে-স্বরেব কৃপায় দেবানন্দ নিজের ভ্রম বুঝিতে

## শ্রীচৈতন্য

১৫৫

পারিয়া প্রভুব চরণে শরণ লইলেন। দয়াময় প্রভুও তাঁহার সর্ব্ব অপবাধ ক্ষমা করিয়া, তাঁহাকে আপনার সুশীতল বক্ষে গ্রহণ কবিলেন। দেবানন্দ তখন শুদ্ধমতি হইয়াছেন, সুতবাং আপনার সুখাপেক্ষা পবের সুখেই প্রতি তখন তাঁহার দৃষ্টি সমধিক, তাই প্রভুর এই কথায় সাহস পাইয়া বঁব প্রার্থনা করিলেন যে, “যে কেহ এই ক্ষেত্রে আসিয়া অপবাধ স্বীকারপূর্ব্বক ক্ষমা প্রার্থনা কবিলে, প্রভু যেন অবিচারে তাঁহার অপবাধ ভঞ্জন কবেন।” প্রভুও ভক্তিমান দেবানন্দের প্রার্থনায় তাঁহার অভিলষিত বর প্রদান করিলেন। তদবধি ফুলিয়া “অপরাধ ভঞ্জন পট” বলিয়া খ্যাত হয়। কিন্তু কলির জীর্ধেই এমনি দুর্ভাগ্য যে, এই শ্রীপাটের নিদর্শন নবদ্বীপের সন্নিকটে কোথাও পাওয়া যায় না, বুকি গঙ্গাদেবী এই লোভময় পবিত্র তীর্থেই মায়াছাড়িতে না পারিয়া

## শ্রীচৈতন্য

১৫৫

আপনার পবিত্র বক্ষে উহাকে বক্ষা কবিতেন।  
এই ফুলিয়া গ্রামেই শ্রীপ্রভু আত্মজনের নিকট  
শেষ বিদায় গ্রহণ করেন। এই স্থানেই শ্রীমতী  
বিষ্ণুপ্রিয়াদেবী তাঁহার সহিত মিলিত হইলেন এবং  
ত্রিলোক পূজ্য স্বামীযুগ্মেই শেষ নিদর্শন-  
স্বরূপ তাঁহার শ্রীপদের কাষ্ঠপাদ্যকা যোডাটি প্রাপ্ত  
হইলেন। দেবী বিষ্ণুপ্রিয়া শ্রীপ্রভুর আদেশ ক্রমে  
তাঁহার শ্রীবিগ্রহ মূর্ত্তি স্থাপনা কবেন। বিষ্ণুপ্রিয়া-  
স্থাপিত এই মূর্ত্তি অষ্টাপি নবদ্বীপে বিদ্যমান  
আছেন। ফুলিয়া হইতে মহাপ্রভু গঙ্গাব তীরে  
তীরে রামকেলী গ্রামে উপস্থিত হইলেন। এই  
রামকেলী গ্রাম তদনন্তর ধঙ্গের বাজধানী  
গৌড়ের এক অংশবিশেষ। পাঠানবংশীয়  
সৈয়দ হুসেন শাহ তখন এখানে স্বাধীন ভাবে  
রাজত্ব কবিতেন। এই হুসেন শাহের বাজ-  
কীয় সভায় কপ ও সনাতন নামে দুই ভ্রাতা

## শ্রীমতেন্দ্র

“দবির খাস্ ও সাকর মল্লিক” পদে অধিষ্ঠিত ছিলেন। এই দুই ভ্রাতাব রাজ-সংসারে যথেষ্ট প্রতিপত্তি ছিল। ইঁহারা সতত মুসলমান সহবাসে যাবনিক ভাব প্রাপ্ত হইলেও পূর্ব সংস্কার বশতঃ বিলক্ষণ ভক্তিমান ছিলেন। প্রভু ইঁহাদিগকে উদ্ধার করিয়া গোড় হইতে শাস্তিপুত্রে অদ্বৈত-ভবনে গমন করিলেন। তথায় কিয়দ্দিবস অতিবাহিত করিয়া পরিশেষে নীলাচলে প্রত্যাবর্তন করিলেন। এখানে বর্ষার চারিমাস অতিবাহিত করিয়া, তিনি একদা বলভদ্র নামক জনৈক ব্রাহ্মণকে সঙ্গে লইয়া রাত্রিশেষে গোপনে শ্রীবৃন্দাবন যাত্রা করিলেন। ইচ্ছাময় প্রভু লোকচক্ষু হইতে অন্তরালে থাকিবার মানসে বিপথে স্বাপদ-শঙ্কল দুর্গম অরণ্য-মধ্য দিয়া গমন করতঃ অবাশেষে কাশীধামে উপনীত হইলেন এবং তদীয় পুরাতন ভক্ত তপন মিশ্রের ভবনে কয়েক দিবস অতি-

## চেতন্য

বাহিত করিলেন। পরে তদানীন্তন কাশীর জগৎগুরু, মহামহোপাধ্যায় পণ্ডিত, দণ্ডী সন্ন্যাসীর রাজা, দ্বিতীয় বিশ্বেশ্বরের ন্যায় মহামান্য প্রকাশানন্দ সরস্বতীর সহিত সে যাত্রা সাক্ষাৎ না করিয়াই, শ্রীবৃন্দাবন-দর্শনে অত্যন্ত ব্যগ্র হইয়া মথুরাভিমুখে ছুটিলেন এবং শীঘ্রই প্রয়াগে আসিয়া উপনীত হইলেন। এই বৃন্দাবন-যাত্রার পথে প্রভু যাহাকে পাইতেছেন, তাহাকেই অকাতরে প্রেম বিলাইয়া চলিতেছেন; অর্থাৎ দাক্ষিণাত্য-ভ্রমণে যে অপূর্বব শক্তির বিকাশ করিয়াছিলেন, এখানেও সেইরূপ করিলেন। এইরূপে পথে প্রেম বিলাইয়া ও স্বয়ং ভাবাভিষ্যে বাহ্য-বিরহিত হইয়া প্রভু টলিতে টলিতে বৃন্দাবন উদ্দেশ্যে গমন করিতে লাগিলেন, এক্ষণে সম্মুখে চিরাভিলষিত, চিরাকাঙ্ক্ষিত শ্রীযমুনা-দর্শনে প্রভু প্রেম-বিহ্বল হইয়া যমুনায়া বস্তু প্রদান করি-

## শ্রীচৈতন্য

লেন। এইকপ যেখানে যেখানে যমুনাদর্শন  
পাইলেন, সেই স্থানে মহাকুতূহলে জনক্ৰীড়া  
করিতে লাগিলেন। এইকপ প্রেমে অচেতন  
হইয়া প্রভু মথুরায় আসিয়া উপনীত হইলেন এবং  
তথা হইতে ক্রমে শ্রীবৃন্দাবনে আসিয়া উপস্থিত  
হইলেন, যে বৃন্দাবনের নাম মাত্র শ্রবণে  
প্রভুর মুচ্ছা হয়, যাহাব ধূলিরেণু পাইলে দুর্লভ  
জ্ঞানে মতানন্দে প্রভু কালাতিপাত করেন,  
বহুদিন হইতে যেখানে আসিবার জন্ম তিনি উন্মত্ত,  
আজ সেই মধুব শ্রীবৃন্দাবনে আসিয়া যে প্রেমের  
ঝটিকা প্রবাহিত করিলেন, তাহা বর্ণনাভীত।  
মুণ্ডি ছার পরমাব্যর্থ পরম ভাগবত শ্রীকৃষ্ণদাস  
কবিবাজ গোস্বামী প্রভৃতি ভক্তগণ সে ভাবের  
কথঞ্চিৎ আভাস দিয়াছেন মাত্র। ক্রমে, কৃষ্ণপ্রেমে  
তন্ময় হইয়া প্রভু চৌরাশী ক্রোশ পরিমিত বৃন্দা-  
বন পরিক্রমণায় রত হইলেন, এবং লুপ্তপ্রায়

## শ্রীচৈতন্য:

মহাতীর্থগুলি এক একটী করিয়া প্রকাশ করিলেন। আজ যে বিশাল পুরীকে আমরা শ্রীবৃন্দাবন বলিয়া পূজা করিয়া থাকি, তাহা শ্রীশ্রীমহাপ্রভুর প্রকাশিত।

বৃন্দাবনে কিছু দিন বাস করিয়া ইচ্ছাময় প্রভু পুনরায় প্রয়াগে প্রত্যাবর্তন করিলেন। পথিমধ্যে কতকগুলি পাঠানকে কৃষ্ণনাম দিয়া উদ্ধার করিলেন। এই ভাগ্যবান পাঠানগণ প্রভুর কৃপায় মহাভাগবত হইয়া সর্বত্র কৃষ্ণনাম প্রচার করিতে লাগিলেন এবং ইহাৰা পাঠান গোসাই নামে খ্যাত হইলেন। এইরূপে পথে হরিনাম নিধি বিলাইয়া শ্রীপ্রভু প্রয়াগে প্রত্যাবর্তন করিলে, শ্রীকপ গোস্বামী আসিয়া তাঁহার সহিত মিলিত হইলেন ; সনাতন শ্রীপ্রভুর শ্রীচরণ-রেণু লাভ পর্যান্ত রাজকর্ষ্য ত্যাগ করিয়াছিলেন। রূপ শ্রীপ্রভুর বৃন্দাবন-যাত্রার সংবাদ পাইয়া

## ত্রিচৈতন্য

আপনার সমস্ত সম্পদাদি বৈষ্ণবগণকে বণ্টন পূর্বক প্রভুমিলনে যাত্রা করেন এবং বহুপথ পর্যটন করতঃ প্রয়াগে আসিলে তাঁহার মনোবাঞ্ছা পূর্ণ হয়। প্রভু. কপকে সঙ্গে লইয়া এখান হইতে কাশীধামে উপনীত হইলেন। কাশীধাম তখন মায়াবাদী সন্ন্যাসী ও দণ্ডীগণের রাজ্য এবং প্রকাশানন্দ স্বামী সেই বাজ্যের রাজা, তাঁহার শিষ্যসংখ্যা তখন দশসহস্র, আবার এই দশসহস্র শিষ্যেব প্রত্যেকের দুই, চারি, দশটী করিয়া চেলা ; সুতবাং প্রকাশনন্দকে তাৎকালীন সন্ন্যাসি-শিরোমুণি বলিলে অতুক্তি হয় না। এই সন্ন্যাসিপ্রধান কাশীধামে 'ত্রিকৃষ্ণ চৈতন্য পুনবাগমন করিয়াছেন, এই সংবাদে কাশীবাসী মায়াবাদী সন্ন্যাসীগণ নানামতে সর্বত্র 'দাঁহা' নিন্দা করিয়া বেড়াইতে লাগিলেন। প্রভুর ভক্তগণ এই নিন্দাবাদে যৎপরোনাস্তি কষ্ট অনুভব



## শ্রীচৈতন্য

করিলেন এবং পরিশেষে সকলে যুক্তি করিয়া  
একদিন তাঁহাদেরই একজনের বাটীতে কাশীর  
সমস্ত সন্ন্যাসীকে নিমন্ত্রণ করিয়া আনয়ন কবি-  
লেন। সে সভায় তাঁহারা প্রভুকে আহ্বান  
করিলেন, কেননা তাঁহাদের মনে দৃঢ় প্রতীতি ছিল  
যে, একবার মাত্র শ্রীপ্রভুব চন্দ্রবদন দর্শন করিলে  
ও তাঁহার সহিত মিলিত হইলে তাঁহাদের আর সে  
ভাব কিছুতেই থাকিবে না। ক্রমে সকল সন্ন্যাসী  
সমবেত হইলে প্রকাশানন্দ স্বামী আসিয়া সভা-  
রোহণ করিলেন এবং শ্রীচৈতন্যর অপেক্ষা করিতে  
লাগিলেন। এদিকে প্রভু যখন শুনিলেন, সভায়  
দশসহস্রের উপায়গণ সন্ন্যাসী সমবেত হইয়াছেন,  
এবং সকলে তাঁহার জন্য উদ্গ্রীব হইয়াছেন, তখন  
ঐহিক নীর্ববেশে সনাতনাদি চারি জন মাত্র সঙ্গী  
সমভিব্যাহারে সভায় উপস্থিত হইলেন। সন্ন্যাসী-  
গণ এতাবৎ প্রভুর নিন্দা করিয়া বেড়াইলেও

## চেতন্য

কখন তাঁহাকে দর্শন করেন নাই, এবং মনে করি-  
যাছিলেন যে, শ্রীকৃষ্ণ চৈতন্য ভারতী বুঝ তাঁহা-  
দেরই মত একজন দান্তিক পুরুষ—হয় তাঁহাদের  
অপেক্ষাও দান্তিক, কিন্তু যখন তাঁহারা প্রভুর  
দীনাতিদীন মূর্তি ও সৰ্বকণ দৈগ্ধ্যবেশ দেখিলেন,  
এবং তাঁহার বিনয়মাত্র বচন-সুধা পান করিলেন,  
তখন তাঁহাদের মনে হইতে লাগিল যে, এই নিরহ-  
ঙ্কার দেবদুর্লভ পুরুষটাকে অনর্থক হিংসা করিয়া  
ভাল কার্য্য করেন নাই। আবার যখন পরম  
পণ্ডিত প্রভু শাস্ত্রযুক্তি অনুসারে তাঁহাদের সমস্ত  
কুতর্কজাল খণ্ডন করিয়া, মায়াবাদের অসারত্ব  
প্রতিপাদন পূর্ব্বক বিশুদ্ধ মত এবং ভক্তির  
শ্রেষ্ঠত্ব স্থাপন করিলেন, তখন তাঁহার অপূর্ব্ব  
বিচার-শক্তি, অলৌকিক ভূয়োদর্শন এবং অসা-  
মান্য পাণ্ডিত্য দেখিয়া সকলে নিব্বাক হইয়া  
রহিলেন। পাণ্ডিত্যগ্রগণ্য, সুকোমল-চরিত্র

## শ্রীচৈতন্য

প্রকাশানন্দনও প্রভুর প্রেম-ভক্তিপূর্ণ শাস্ত্র-ব্যাখ্যা শ্রবণ করিয়া একেবারে মুগ্ধ হইয়া পড়িলেন এবং ভাবতিশ্যে প্রভুর চরণে শরণ লইলেন। এই প্রকাশানন্দনই, প্রভুর কৃপাকণা লাভ করতঃ উত্তর কালে বৈষ্ণব-জগতে ভক্ত-শিরোমণি প্রবোধানন্দ নামে খ্যাত হয়েন। এই মহাপণ্ডিত শ্রীপ্রভুব গুণাবলী স্মরণ করিয়া যে স্নমধুর স্তবাবলী রচনা করিয়াছেন, তাহাই “চৈতন্য চন্দ্রামৃত” নামে খ্যাত।

এইরূপে কাশীতে হরিনামের ধ্বজা উত্তোলন করিয়া, এবং প্রবোধানন্দ, সনাতনাদিকে দীক্ষা প্রদানপূর্বক শ্রীহৃন্দাবনে ধর্মপ্রচারার্থ প্রেরণ করিয়া, শ্রীপ্রভু পুনরায় নীলাচলে যাত্রা করিলেন, এবং তিনি তথায় উপস্থিত হইলে স্বরূপ-দামোদর এ সংবাদ গোড়ে প্রেরণ করিলেন। গোড়ীয় ভক্তগণও পূর্বেরূপে ত্রায় শচীমাতার অনুমতি গ্রহণ

## শ্রীচৈতন্য

১৫৫

করিয়া প্রতিবৎসব রথযাত্রার পূর্বের নীলাচলে আসিয়া প্রভুর সহিত মিলিতে লাগিলেন। নীলাচলে প্রত্যাবর্তের পর হইতেই ক্রমে ক্রমে প্রভু নিশিদিন বাহ্য বিরহিত হইয়া মহাভাবসাগরের অতলগর্ভে নিমজ্জিত হইতে লাগিলেন। ক্রমে যতই দিন গত হইতে লাগিল, শ্রীপ্রভুর প্রেমবৈকল্যও ততই বৃদ্ধি পাইতে লাগিল। এ অবস্থা অধিক দিন স্থায়ী হইল না। প্রেমোন্মাদ অবস্থা ক্রমেই অধিক বর্দ্ধিত হওয়ায় শ্রীপ্রভু আর প্রায় কাহারও সহিত বাক্যালাপ করিতেন না। এই সময়ে তাঁহার প্রেমবিকারজনিত নানা প্রকার অদ্ভুত ও অপূর্ব স্বাভিকভাব প্রকাশিত হইতে লাগিল। স্বরূপ-দামোদরাদি ভক্তগণ এক দিন প্রভুকে গৃহে দেখিতে না পাইয়া তাঁহার অনুসন্ধানে জগন্নাথপুরে সিংহদ্বার সমীপে উপস্থিত হইয়া দেখিলেন, শ্রীপ্রভু বাহ্যবিরহিত অবস্থায় ধরাধূয়ী রহিয়াছেন।

## শ্রীচৈতন্য

শরীর নিষ্পন্দ—নাসিকার শ্বাস প্রশ্বাসেব লক্ষণ  
মাত্রও অনুভূত হইতেছে না,—হস্তপদাদির  
সমুদয় গ্রন্থি শিথিল হওয়ায় শরীর অত্যন্ত দীঘল  
হইয়াছে—কেবল চন্দ্রাচ্ছাদিত রহিয়াছে মাত্র ।  
প্রভুর এইরূপ অবস্থা দেখিয়া ভক্তগণ মহাশোকে  
হাহাকার করিয়া উঠিলেন—

স্বরূপ গোসাঞি তবে উচ্চ করিয়া ।

প্রভুর কাণে কৃষ্ণনাম কহে ভক্তগণ লঞা ॥

বহুক্ষণে কৃষ্ণ নাম হৃদয়ে পশিল ।

হরিবোল বলি প্রভু গর্জিয়া উঠিল ॥

অপর এক দিবস আচম্বিতে কৃষ্ণবেণু গান  
শ্রবণ করিয়া ভাষাবেশে শ্রীপ্রভু দক্ষিণ সিংহদ্বারে  
যাইয়া মুচ্ছিত হইয়া পারিলেন । ভক্তগণ যাইয়া  
দেখিলেন যে, প্রভুর সেই সুদীর্ঘ শ্রীঅঙ্গ কুম্ভাণ্ডা-  
কার ধারণ করিয়াছে । হস্তপদাদি যাবৎ অঙ্গ-  
প্রত্যঙ্গ দেহাভ্যন্তরে প্রবেশ করিয়াছে ; তখন

## শ্রীচৈতন্য

সকলে মিলিয়া সেই বরবপু বহন করত গৃহে  
আনিলেন । আর—

উচ্চ করি শ্রবণে কবে নাম-সংকীৰ্ত্তন ।

অনেক ক্ষণে মহাপ্রভু পাইল চেতন ॥”

অপর এক নিশিতে প্রভুর প্রোমোদ্যাদ

° নাতিশয় বর্দ্ধিত হওয়ায়, চন্দ্রশিখি-বিস্তারিত,  
চাকচিক্যময়, তরঙ্গায়িত-সুনীল পয়োধিবক্ষ দর্শনে  
হৃদয়ে রাধাকৃষ্ণের জলকেলি-স্মৃতি হওয়ায়, যমুনা-  
ভ্রমে তিনি সমুদ্রবক্ষে বাষ্পপ্রদান করেন। এদিন  
ভক্তসগ বহু অনুসন্ধানেও যখন প্রভুর কোন  
সংবাদ পাইলেন না, তখন প্রভু বুঝি অন্তর্ধান  
করিলেন, এই মনে করিয়া সকলে হাহাকার করিয়া  
উঠিলেন। এই সময়ে স্বরূপ-দামোদর এক জন  
ধীবরকে হরিধ্বনি করিয়া উন্মত্তভাবে নৃত্য বিন্দিতে  
দেখিয়া, সন্দিহান হইয়া ঐ ধীবরকে শ্রীপ্রভুর বার্তা  
জিজ্ঞাসা করিলেন। যথা চৈতন্য চরিতামৃত—

## শ্রীচৈতন্য

১৫৫

“কহ জালিয়া ঐ দিকে দেখিলে এক জন ।

তোমাব এই দশা কেন কহ ত কারণ ॥

জালিয়া কহে ইহা এক মনুষ্য না দেখিল ।

জাল বাহিতে এক হৃত মোর জালে আইল ॥

বড মৎস্য বলি আমি উঠাইলু যতনে ।

মৃতকে দেখিতে মোর ভয় হইল মনে ॥

জাল খশাইতে তাব অঙ্গ স্পর্শ হইল ।

স্পর্শ মাত্র সেই ভূত হৃদয়ে পশিল ॥

ভয়ে কম্প হৈল মোর নেত্রে বহে জল ।

গদ গদ বাণী মোর উঠিল সকল ॥

কিবা ব্রহ্মদৈত্য কিবা ভূত কহনে না যায় ।

দর্শনে মাত্রে মৃন্মুখের পশে সেই কায় ॥

ভাগ্যবান জালিয়া যখন এইকপে প্রভুর  
অকুপ বর্ণন করিলেন, তখন ভক্তগণ আনন্দে  
হরিশ্রবণ করিয়া উঠিলেন, এবং সকলে দ্রুত  
সমুদ্রতটে যাইয়া দেখিলেন, সেই কমলাসেবিত



‘জাতি দীর্ঘ শিথিল তলু চমক নতকায়।’





## শ্রীচৈতন্য

“পুরট-মুন্দব-দ্যুতি কদম্ব সন্দীপিত” শ্রীঅঙ্গ—

ভূমিতে পড়িয়া আছে দীর্ঘ শব কায ।

জলে থেত তনু বালু লাগিয়াছে গায ॥

অতি দীর্ঘ শিথিল তনু চন্দ্র লটকায় ।

দূর পথ উঠাইয়া আননে না যায ॥

তখন সকলে মিলিয়া প্রভুর সেবায় রত  
হইলেন । কেহ আর্দ্র কোপীন দূর করিয়া শুষ্ক  
বস্ত্র দিলেন, কেহ শ্রীঅঙ্গের বালুকাকণা ছাড়াইতে  
লাগিলেন, কেহ কেহ বহির্বাস পাতিয়া শয্যা  
প্রস্তুত করিয়া, প্রভুকে সেই শয্যায় শায়িত  
করিলেন, এবং সকলে মিলিয়া তখন উচ্চ  
হরিসংকীর্তন কন্দিতে লাগিলেন ।

“কতক্ষণে প্রভু কাণে শব্দ পরশিল ।

হৃদ্বার করিয়া প্রভু তবহি উঠিল ।

উপর্যুপরি প্রভুর এইকপ, প্রেমবিকার ও  
মহাভাব সমাধি অবলোকন করিয়া ভক্তগণ

## ক্রীড়িতন্য

চিন্তিত হইলেন। সকলের মনে কেমন একটা আশঙ্কা জন্মিল যে, আর বুঝি তাঁহাবা তাঁহাদের প্রেমশৃঙ্খলে প্রভুকে আবদ্ধ রাখিতে পারে না ; কিন্তু এই মর্শ্বগ্রস্তী ছিন্নকারী নিদাক্ষণ কথা মনে হইলেও কেহ মুখে আনিতে পারিলেন না। তাই সকলেই আপনি আপনি মনে বুঝিয়া সতর্ক প্রভুকে বক্ষা করিতে লাগিলেন। কিন্তু তাঁহাদের এই প্রেমপূর্ণ সযত্ন অনুবন্ধনে কোন ফল হইল না কেন না ইচ্ছাময়, লীলাময় প্রভু যে মহৎকার্য সাধন করিতে গোলক ত্যাগ করিয়া মর্ত্যেব আবিল ভূমিতে পদার্পণ করিয়াছিলেন, তাঁহার সেই মহাকাব্য, অর্থাৎ “জীবে দয়া, নামে কচি” আত্মচরিত্রে আঁচরণ করিয়া লোক শিক্ষা-দেওয়া সম্পন্ন হইয়াছিল। সুতরাং সেই ভক্তাবতার প্রভুর এই অপূর্ব প্রেমময় লীলার অবসান কাল নিকট হইয়া আসিতেছিল।

এক দিন ভক্তগণকে লইয়া বৃন্দাবনলীলারস  
আন্বাদন করিতে করিতে প্রভু ভাবাবিষ্ট হইয়া  
নীরব হইলেন এবং উঠিয়া দ্রুতপদে জগন্নাথ-  
দেবের শ্রীমন্দিরাভিমুখে ছুটিলেন। ভক্তগণও  
তঁহার পশ্চাৎ পশ্চাৎ ছুটিলেন। প্রভু দ্রুত-  
গমনে শ্রীমন্দিরাভ্যন্তরে প্রবিষ্ট হইলে, মন্দিরদ্বার  
আপনা হইতে বন্ধ হইয়া গেল। বাটীর অভ্য-  
ন্তরে ভোগমন্দির প্রভৃতি স্থানে দুই এক জন  
জগন্নাথের সেবক উপস্থিত ছিলেন। তঁাহারা,  
প্রভুকে মন্দিরে প্রবিষ্ট হইয়া জগন্নাথ দেবকে  
আলিঙ্গন করিতে দেখিলেন এবং পরক্ষণেই  
বাহিরে ভক্তগণের কোলাহল শ্রবণ করিয়া দ্রুত  
আসিয়া দ্বারমোচন করিলেন। ভক্তগণ পথ  
পাইয়া মন্দিরে প্রবেশ করিলেন। কিন্তু কেহই  
আর প্রভুর সাক্ষাৎ পাইলেন না, তখন সকলে  
প্রভুর অন্তর্ধান বুঝিতে পারিয়া আতর্জনাদ করিয়া

## শ্রীচৈতন্য

উঠিলেন এবং মূর্ছিত হইয়া পড়িলেন। মুহূর্ত্ত মধ্যে এই মহাশোকের বার্তা চতুর্দিকে প্রচারিত হইল, এবং দেখিতে দেখিতে শ্রীমন্দির শোকাकुल ভক্তবৃন্দে পরিপূর্ণ হইয়া গেল। ক্রমে এ নিদারুণ সংবাদ ভারতবর্ষীয় যাবতীয় ভক্তগণের নিকট প্রচারিত হইলে, সমগ্র ভারতবর্ষে যে মহা-শোকানল প্রজ্জ্বলিত হইয়া উঠিল, তাহা বর্ণনা করিতে আমি সম্পূর্ণ অক্ষম।

---

সম্পূর্ণ।















